

周  
易  
疏  
略

周易下經二

張沐

三三

震上  
離下

豐亨王假之勿憂宜日中

彖曰豐大也明以動故豐王假之尚大也勿  
憂宜日中宜照天下也日中則昃月盈則食  
天地盈虛與時消息而況於人乎況於鬼神  
乎

得其所歸者必大故受之以豐豐者大也  
以善德明以動故豐凡物之大皆有有限雖  
明以動其大无限如日極明又動不息故  
无所不照人有極明之心而力行不輟則

者无所以不主所以名豐也而其占亨王假  
之勿憂宜日中即亨之實也王假之者尚  
大也主者之所明所動皆尚於極大而不  
情乎小故豐亨之占惟王者能至之勿憂  
宜日中者宜無天下也豐為盛大之極盛  
極必衰衰有可憂然亦何用憂為唯宜自  
擴其明如日之中夫明察所無无一物不  
令得所如此克盡王之責自得豐亨之道  
至於豐无長久之理所宜順聽而不必憂  
者也如日中則必昃月盈則必食即天地  
亦不能長盈而不虛與時為消息而况於  
人能長豐不衰乎况於鬼神本天地之所  
伸以為人事之盛衰能使人長豐不衰乎  
何憂之有總之告人盡明動之道以處豐  
而不必以失  
豐為慮也

象曰雷電皆至豐君子以折獄致刑

雷電皆至天地之大明大威並至有豐象  
君子以其明折獄以其威致刑折獄者必  
照其情實唯大明如電乃克祈之也致刑  
者以威於姦惡唯大震如雷乃克致之也  
大抵凡卦變遇震離二  
象者皆可以刑獄斷也

初九遇其配主雖旬无咎往有尚

象曰雖旬无咎過旬災也

剛居下位比六二有遇其配主之象五為  
君主二配之故六二為配主而初九遇之  
也二下卦之主在豐為諸侯其豐與天子  
相配者也初與相遇剛柔相得故為遇其  
配主離為日日之數十亦當十位日中當  
王食日當公遇艮為封疆是出為諸侯有  
配主義其占雖旬无咎往有尚十日為旬  
象曰過旬災也十干配支過十日則支空

二字不得所配故災如甲子旬中空戌亥是也占者於旬中而往必有可嘉尚遇旬而往未免有變而傷矣

六二豐其蔀日中見斗往得疑疾有孚發若吉

象曰有孚發若信以發志也

柔居下中有豐其蔀日中見斗之象蔀障蔽也豐以中爲盛五爲中常王爲王者之豐豐於天下二中與五應爲諸侯之豐豐於一國諸侯在下其一國之中止知有諸侯之大而不見天子之大是以下之大蔽上之大故有蔀象日爲照臨之主而晝見似天子斗有運旋之權而夜見似諸侯六五豐於上六二豐於下是諸侯終疑天子

有斗畫見象難日遇乾乾爲天爲北方斗  
所居有此義其占在得疑疾有季發若吉  
諸侯之大擬於天子未有不見疑而疾惡  
之者故占者以此道而往則必得人疑惡  
能見信於人自能發我之志

豈不吉乎問此爻何爲諸侯日以卦消  
詳之賢位在師則主帥也賢位在豐則  
諸侯也觀豐蔀見斗與四爻同可知

九三豐其沛日中見沬折其右肱无咎

象曰豐其沛不可大事也折其右肱終不可  
用也

剛居過中有豐其沛日中見沬之象水泛  
溢日沛過中者少含藏而剛處之則發不  
可禦故有是象言器小不能容多不可大  
事之義也沬小星也當豐之時二四日中

見斗是本實豐若淺薄如九三者則誇耀其豐是日中見沬也離遇震明而動爲小星其占爲折其右肱无咎人之便動作者在右肱折之則爲廢人終不可以有用九三浮淺如此不可以作大事如折右肱終不可用然如此之人棄而不用反不得過用之則得過故占者宜以不用爲无咎也

### 九四豐其蔀日中見斗遇其夷主吉

象曰豐其蔀位不當也日中見斗幽不明也

### 遇其夷主吉行也

剛居高位亦有豐其蔀日中見斗之象四公飛之豐人主柔而公卿剛柔必委任於剛於是止見人臣之大而不見人王之大亦蔀象也君爲照臨之主如日臣有運旋

之權如斗斗自避日而交見乃君豐而柔  
臣豐而剛是亦斗晝見也震爲君遇坤坤  
爲臣又爲地呈精生於地有此義其占爲  
遇其夷主吉夷平也言六五中正柔順爲  
平夷之主无疑人之心也象謂豐其蔀剛  
處君下位不當也又謂日中見斗似爲臣  
抗於君而其實日自照臨斗雖見而幽暗  
不明也此震木有尅坤土之義又謂以此  
可疑之道遇平夷之主行而不疑  
爲吉行也占者可以決所行矣

## 六五來章有慶譽吉

### 象曰六五之吉有慶也

柔居君位有來章之象而其占有慶譽吉  
來來之也章文可觀也六五柔居中正尊  
位爲豐之主至盛之豐震木遇兌澤有此  
義占者則有福慶名譽坐享其豐爲慶稱



美其名爲譽卽來章之實如此  
卽吉也故曰六五之吉有慶也

上六豐其屋蔀其家闕其戶闐其無人三歲  
不覲凶

象曰豐其屋天際翔也窺其戶闐其無人自  
藏也

柔居最上若外豐極生變有豐其屋蔀其  
家闕其戶闐其無人三歲不覲之象而其  
占凶豐其屋屋高大也蔀其家障蔽其家  
也闕窺也闕无人也豐大之極則駭矜侈  
奢以窮其欲變故自生雖有豐大之屋徒  
障蔽其家而不得居窺其戶寂然无人至  
於三歲不見也象以蔀家之義未明而曰  
豐其屋天際翔也言豐其屋而不得居遠

飛於天涯則蒞家之義可知矣又以無人  
之義未明而曰自藏也言自己潛藏逃避  
又誰得而見其人也震爲驚逃遇離離爲  
鳥爲咎有此義此即窮大失居豐受以旅  
之義凡卦上爻多與卦序相合必三年者  
天道小變人事亦更富貴者既已貧賤則  
禍患即亦平復庶可以歸而  
見人矣占者如此安得不凶

三三

離上  
艮下

### 旅小亨旅貞吉

彖曰旅小亨柔得中乎外而順乎剛止而麗  
乎明是以小亨旅貞吉也旅之時義大矣哉

窮大者必失其居故受之以旅旅羈旅也  
失其居而羈旅於外曰旅而其占小亨旅

貞吉彖曰旅小亨柔得中乎外而順乎剛  
止而麗乎明是以小亨旅貞吉也此釋占  
辭而旅之象與旅之義已明矣以卦體六  
五一柔居外卦之中是柔得中正之道於  
外也初二兩柔居最下是順乎剛也以卦  
德艮爲止離爲麗於明是止而麗乎明也  
柔既得中正之道於外又能以柔順剛又  
其所羈止之處皆高明之家此旅之象也  
小者柔也柔順之人以小自處而得亨通  
又得中麗明不失其正故吉也所謂卦有  
小大是也解爲小事者非是以小自處  
者自不輕任大事卽有大事得亨亦以小  
亨之也處旅之道必柔乃亨必正乃吉是  
雖羈旅窮途未可以須臾離道旅之時其  
義豈不  
大矣哉

象曰山上有火旅君子以明慎用刑而不留

獄

山上有火有旅象火能照山之險如旅之  
明火行山上有次如旅之慎火去不返如  
旅之不畱君子觀象得用刑治獄之道焉  
以其明慎者用刑則刑不濫以其不畱者  
治獄則獄无滯也大抵艮止離麗凡卦  
變遇艮離並見者皆可以刑獄斷也

初六旅瑣瑣斯其所取災

象曰旅瑣瑣志窮災也

柔居下位有旅瑣瑣之象瑣瑣行路困乏  
微弱在後之貌爻以中爲旅次次者舍也  
初六民位在下於旅爲不能卽次瑣瑣然  
而困於道路也艮爲止爲路遇離離爲麗  
爲煩瑣有此義所取災者告占者其所取  
災如斯而已象曰旅瑣瑣志窮災也其志

窮竭而不能自如  
卽此是其災也

六二旅卽次懷其資得童僕貞

象曰得童僕貞終无尤也

柔居中位有旅卽次之象就於次舍之中  
也艮爲舍止遇巽入之又賢位中正有懷  
其資之象賢人懷藏道德以備用也巽爲  
財利又艮爲少男二爲少男之中爻有得  
童僕貞之象貞正固在童僕爲忠僕故曰  
童僕貞也旅以卽次爲安以懷資爲用以  
童僕貞爲役使之便象曰得童僕貞終无  
尤也忠正之僕雖有可忽終不我怨也

九三旅焚其次喪其童僕貞厲

象曰旅焚其次亦以傷矣以旅與下其義喪

也

剛居過中之位有旅焚其次之象艮中爲  
次過中則有次而不得居旅不宜剛又上  
比離火故有焚象又不得艮之中而得其  
外爻爻坤艮壤山崩有喪其童僕貞之象  
失童僕之忠心也旅焚其次則不安故象  
曰亦以傷矣喪其童僕貞蓋旅之道貴柔  
而剛居下之上則不以旅自處而以旅與  
下自己剛傲安逸而令在下柔順勞苦童  
僕之心自失矣故曰以旅與下其義  
喪也占者失次失僕安得不危厲乎

九四旅於處得其資斧我心不快

處去聲

象曰旅於處未得位也得其資斧心未快也

剛居臣位有旅於處得其資斧之象而其  
占我心不快旅以君位爲歸宿之地臣位

周易疏畧

下經二

1

猶然羈旅也故止可曰虞言隨處而居未  
得位之正也離麗為寄遇艮止有此義資  
為資財所以備食給用艮有此義斧為斧  
斤所以析薪給火離為火為刃有此義又  
臣位近君多懼未得休逸之  
位雖得資斧而心不快也

### 六五射雉一矢亡終以譽命

### 象曰終以譽命上逮也

君位歸宿之地本无旅也則羈旅於尊位  
而未幾崩厭也有射雉一矢亡之象離中  
文明故取雉遇乾金為矢有射義射雉言  
中正乎文明之位而居之也一矢言暫也  
射雉者矢也乃雉中而矢亡成功者不久  
留也居文明之位者君也得位而君亡亦  
何異乎射雉一矢亡而其占為終以譽命  
譽聲譽也命天命也言終以有譽有命人

君雖亡而文明不衰天位不替也象以其義未明而日上逮也世及曰逮先君死後君繼自上及下也前往後繼如行旅之絕人君誠有文明之德雖不久於其位而世逮子孫譽命不斬占者可知矣

上九鳥焚其巢旅人先笑後號咷喪牛於易

凶

象曰以旅在上其義焚也喪牛於易終莫之聞也

旅居君上更无所往居而不安有鳥焚其巢之象離上遇震木有此義而其占旅人先笑後號咷喪牛於易凶離火爲笑震木

有聲爲悲離爲牛牛柔順變震爲剛爲動



是失其柔順故爲喪牛於易旅以柔順爲  
道乃剛居最上傲然自得以柔爲无用而  
輕易失之如此自致憂患安得不有先笑  
後號咷之凶象曰以旅在上其義焚也  
旅而好處人上義自不爲人所容也又曰  
喪牛於易終莫之聞也凡无心而失其柔  
道猶有自知其非之時上九專以剛  
上人雖至於凶終莫有聞悟之日也

三三 異上 異下

巽小亨利有攸往利見大人

彖曰重巽以申命剛巽乎中正而志行柔皆  
順乎剛是以小亨利有攸往利見大人

旅而无所容故受之以巽巽者入也一陰  
伏於二陽之下柔進漸漬於陽之中而不

見其迹故爲入風之入物亦有然者故亦爲風雨巽相重入而又入爲申命之義命令布告下民其言巽善易以入人再重復申明其入益深矣故名巽而其占則小亨利有攸往利見大人九五一爻剛居巽之中主巽之正不以剛用而以巽用而居君位則其志得行是剛巽乎中正而志得行柔之亨利也又上下兩卦柔皆居剛下而順乎剛是以小自處者亨而利有攸往利見大人也以小自處固无往不利而尤利見有德位之大人也彼大我小分義尤宜豈不獨利乎重巽申命此孔子善會易處觀文王次巽於旅及周公爻辭可見巽在天爲氣之變在人爲事之變不變何巽重巽申命事之變也則可以知巽卦之義矣夏商周誓誥後世德宗奉天之誥皆謙卑柔下之辭足以感動人心者皆重巽之道也其先庚後庚之義乎

象曰隨風巽君子以申命行事

風相繼曰隨風而又風感人最深故爲巽君子觀象以申命行事事有不可遽信諸人者重複申命以行事而事自安也凡卦有巽多言文教風俗之事

初六進退利武人之貞

象曰進退志疑也利武人之貞志治也

柔居重巽之下有進退之象進退志疑也柔而居民承重巽之命進則不敢義无可退故其心常搖惑於進退之間失所措也而其占利武人之貞武人進退與死生相關而斷然不以爲疑唯固守命令以爲正令進則進令退則退自无不利也巽爲進退爲不利遇乾健爲武人象謂疑則志亂必不利斷則志治必利矣此從令之占也

九二巽在牀下用史巫紛若吉无咎

象曰紛若之吉得中也

剛居下中有巽在牀下之象巽爲入遇艮止爲牀有此義牀所以安也牀下則屈之甚矣賢人在下本卑當重巽申命之時无所不屈其剛有此象焉而其道宜如何用史巫紛若吉无咎巽爲巫艮爲史史掌卜筮以占吉凶巫掌所禱以祓不祥皆中心之誠敬不可顯以示人而默通神明者也紛若多用也占者宜如此多用誠敬以感上人自吉而免於過也象曰紛若之吉得中也二得中道卽以中心之誠敬爲巽不然猶以顯淺之道以求感人則必得過

九三頻巽吝

象曰頻巽之吝志窮也

剛居過中有頻巽之象屢失屢巽曰頻巽過中之剛常不巽故屢失其巽而過中之巽又无所不可巽故雖屢失而屢巽巽躁遇坎險風水相渙有此義而其占吝蓋辱之道也象謂志窮也當重巽申命之時上人已至再至三猶不早盡巽道待其志窮无可如何而後巽所以屢失而至取辱也

六四悔亡田獲三品

象曰田獲三品有功也

柔居臣位其占悔亡田獲三品巽而又柔過巽宜有悔而為臣位有重巽申命之責无妨過巽故悔亡而有田獲三品之功也有功所以悔亡也田獵也三品品物之備

也巽下缺遇乾三畫全備故有備物義巽  
又爲廚禮田一爲乾豆二爲賓客三爲充  
君之庖是也田獵所以講武習兵此申命  
之始事人臣主之六四以柔主巽而爲臣  
得重巽申命之道而獲禽有  
功此所以過巽而不遺悔也

九五貞吉悔亡无不利无初有終先庚三日  
後庚三日吉

象曰九五之吉位正中也

九五爲重巽申命之主而位正中其占守  
重巽之正道則吉何吉乎屈尊歛剛以行  
巽似有悔而悔實亡其事亦无不利雖无  
初而有終也其正道宜何如先庚三日後  
庚三日如此則吉也庚變更也先庚三日  
爲丁丁叮嚀也後庚三日爲癸癸揆度也

周易五  
欲變更於事叮嚀於未變之先者申命三日而恐有未知揆度於既變之後者申命方前三卦巽後三卦艮巽行而艮止也蓋事在變更人難遽信故占者无初然如此重巽申命自能感人以有其終此便是貞吉悔亡无不利故曰吉也象曰位正中也先庚後庚卽尊位正巽之道位正中故有此占也

上九巽在牀下喪其資斧貞凶

象曰巽在牀下上窮也喪其資斧正乎凶也

剛居巽極巽在牀下之象巽木遇坎而有此義在君位之外喪其資斧之象火上爲資斧木克土水克火有喪義剛在最上不巽者也勢高而无所往不得不屈而爲

巽亦屈之極者也而在君外不與於申命此窮而自巽與二之以道巽者不同二巽於君足以格君窮極自巽則君不養矣窮而巽亦正道也遂以失養則凶也象謂巽在牀下上窮也喪其資斧正乎凶也窮而後正是正於凶之時晚矣

三三

兌上  
兌下

兌亨利貞

彖曰兌說也剛中而柔外說以利貞是以順乎天而應乎人說以先民民忘其勞說以犯難民忘其死說之大民勸矣哉

入而後說之故受之以兌兌者說也一陰居二陽之上象剛而施柔故為說其占亨



利貞者剛中而柔外則義以利貞剛中者  
理之正柔外者色之和柔剛中而徒柔外  
為邪媚之悅何利之有卦二五皆剛中而  
兩柔皆居外是以正道而悅故占者利貞  
能正則自亨矣是以順乎天而應乎人正  
而不悅悅而不正皆非天人心悅以正  
天理自順人心自應矣豈不亨乎下又順  
應之責天視自民視天聽自民聽故事驗  
諸民誠能盡悅之道以之有事而先民民  
即趨事而忘其勞以之禦侮而犯難民即  
犯難而忘其死克悅之大无往不化民其  
勸矣哉民勸即天人之順應順應即悅之  
也亨

象曰麗澤兌君子以朋友講習

物之悅者莫如澤滋潤生息有悅象焉兩  
澤相麗互相滋溢則其悅无窮君子觀象

以朋友講習天下之可悅者莫如朋友講習也彼此相講則相資重複相習則相益其悅且樂者豈不猶兩澤相盪而爲兌乎講習重兌象

### 初九和兌吉

象曰和兌之吉行未疑也

剛居下位其占和兌吉物相均調曰和民心樸實所悅泛同而无黨占者如是則成心私意之不起而有大同之悅豈不吉乎象曰和兌之吉行未疑也與人相和則未有可疑之行故吉也兌爲澤遇坎水澤水相和无異同有此義

### 九二孚兌吉悔亡

象曰孚兌之吉信志也

剛居中位其占孚兌吉悔亡悅以利正九  
二中正不以情相悅而義理爲悅是惟信  
於悅之理而已而人情不能信此中正之  
道常不能致悅似有可悔而悔實亡也兌  
遇震金尅木而成器相反實以相成有此  
義象曰孚兌之吉信志也其行雖可疑而  
其志則  
可信也

## 六三來兌凶

象曰來兌之凶位不當也

柔居過中之位下上之間有來兌之象而  
其占凶來招來也柔爲兌主善於悅人上  
下比四剛而一以悅來之使其悅我故有  
是象專以悅人卑賤汚辱何所不至故凶  
兌遇乾金相比比同有此義象謂來兌之凶  
位不當也悅處過中之位豈有當者乎

九四商兌未寧介疾有喜

象曰九四之喜有慶也

剛居臣位有商兌未寧之象而其占介疾有喜臣本多憂又此剛君雖六三在下日以柔悅進之意欲悅而不遽悅在商度未定之間而其心則常以不得君而未安也是商兌者有欲悅之意而未寧者則卒不悅也兌遇坎悅而險有此義介分限也疾害也占者既有是象果能介然絕於陰柔之疾害則有喜矣九四立於下兌之上雖比三而實有上下卦之分限故有介疾之義又臣位易爲人所誚媚往往溺於悅樂消磨志氣誠有位之疾疾錮病也能介疾如是人君未有不感悟爵賞駢錫者豈不有喜慶乎

九五孚於剝有厲

象曰孚於剝位正當也

剛居君位比上六其占孚於剝有厲剝變其正也悅以利正人君順天應人何可稍有剝其正乎上六不正之極故戒占者若信於悅則信於剝矣必有危也兌遇震有此義象曰孚於剝位正當也九五中正之位而比剝極之位正相當故有此占也

上六引兌

象曰上六引兌未光也

柔居兌上比九五有引兌之象引誘也九五中正之悅難以非道悅之而柔居其上有窮極其術曲爲可悅之事以誘人君之義兌遇乾金相比比爲同比之小人象曰上

六引兌未光也凡誦謀媚術多罔而可耻故爲未光上六本宜有凶占而僅未光者小人以說媚君未爲便險之謀故不至於凶也



巽上坎下

渙亨王假有廟利涉大川利貞

彖曰渙亨剛來而不窮柔得位乎外而上同王假有廟王乃在中也利涉大川乘木有功也

說而後散之故受之以渙渙者離也以卦體論上卦本乾下卦本坤剛離四位而來於下爲九二柔離二位而往於外爲六四是剛自臣位而來於士位則遠君得行其

剛道而剛不寡柔得臣位於外則得君以  
行其柔道而上同於君剛柔各離其類而  
得通上下各離其位而得通所以爲渙而  
渙所以亨也其亨如何王假有廟利涉大  
川利貞王假有廟者王乃在廟中也祖宗  
與子孫相離及廟中則洋洋如在渙而實  
相通也此渙亨之義也利涉大川者乘木  
有功也與木乘坎水之上舟楫以濟不通  
致遠以利天下故有功大川離阻行人涉  
則能通亦渙亨之義也而要之渙亨則利  
於正離散何可以不正王在廟中王不正  
則神不格舟在水中舟不正則險不濟故  
利貞也

彖曰風行水上渙先王以享於帝立廟

風行水上於離渙散故爲渙然雖離而相  
屬非絕然離也故先王觀象以享於帝

而立廟上帝與祖宗最與我離者未始不合也享帝則帝格立廟則祖格也

### 初六用拯馬壯吉

象曰初六之吉順也

柔居下止九二有用拯馬壯之象坎爲馬遇兌說有此義其占吉小民當離散之時必不能自力其行而比九二之剛是得君子以爲輔助不啻不能行之人得救以壯馬象曰初六之吉順也言占者當順正人以求助如初之順二也

### 九二渙奔其机悔亡

象曰渙奔其机得願也

剛居中有渙奔其机之象机與几同所憑倚之物言得其安也二賢位剛健中正渙



而得此是當渙散之時君子以道自處安於義命而不惑如奔趨於几而隱臥之也坎險遇坤順坎又爲奔坤又爲安有此義失時安義似有可悔而悔實亡豈有安於義命而悔者哉象曰渙奔其机得願也無義无命則非君子所願即非君子所安得願故安如奔几也此真不窮之剛若剛居四近君則唯順君而有不得伸其剛者矣故曰剛來不窮也

### 六三渙其躬无悔

象曰渙其躬志在外也

柔居過中應上九有渙其躬之象渙其躬志在外也渙散其身於世外之意六三渙之過而應上九上九世外之位全身遠患故有此象坎險爲品穴遇巽入有此義而

其占无憊志在全身遠患  
雖一偏之行而不悔也

六四渙其羣元吉渙有丘匪夷所思

象曰渙其羣元吉光大也

柔居臣位比九五有渙其羣之象臣何渙  
乎近君而以柔順剛則所渙者羣而已離  
散其朋黨之私與也巽林木遇乾金伐之  
有此義而其占元吉元吉奈何渙有丘匪  
夷所思此所以爲元吉也乾金伐巽木朴  
木去而山丘見丘尊大比君是臣之私黨  
散而大君之尊見矣此其吉非情情所能  
思及常人惟欲聚私黨至於渙私以成公  
渙臣以成君則不及知故告占者當思也  
象曰渙其羣元吉光大也光明正大不聚  
私黨所以元吉也柔居二則不  
能爲此故曰柔得位而上同也

九五渙汗其大號渙王居无咎

象曰王居无咎正位也

剛居君位有渙汗其大號之象雖渙而王則居故其占无咎剛中而渙則居中不動而渙散於天下者唯號令故有是象異爲號令遇艮艮爲居止有此義汗者由中實而發決於四體號令亦由中實而發過於四方也皆剛中之義象曰王居无咎正位也正其位居而不動故无過也渙之時天下離散之時也故初則用拯二則奔机三則渙躬四則渙羣五則發號事不得已而後號以詔之招其散也此時何能无過猶幸不大失德天下雖離散王居尚羣固得以正人君之位而出令焉乃可以補過故无咎也

上九渙其血去逖出无咎

象曰渙其血遠害也

剛居最上君外有渙其血之象而其占去  
逖出无咎異遇坎坎為血巽為逖出血言  
害渙其血言遠害也當渙之時處君之外  
有散居遠方使害不及之義占者能去而  
且遠出則无過也象以遠害訓渙血而  
逖出之義實并訓之害訓血遠訓逖也

䷺

坎上  
兌下

節亨苦節不可貞

彖曰節亨剛柔分而剛得中苦節不可貞其  
道窮也說以行險當位以節中正以通天地

節而四時成節以制度不傷財不害民

物不可以終離故受之以節節當可而止之使其有限之義以卦體剛柔分而剛得中六畫自下而上二剛間二柔又一剛間一柔剛柔平分別爲四節而二五兩剛得中剛爲節之主其節益固則節之義可見而亨之義亦卽具矣其占又爲苦節不可貞者其道窮也事有節乃通節原爲亨也老夫執節太苦則其道必至於困窮而不可行故不可守正而不變也節本所以制過乃又過制而苦節卽非節矣人情往往矯倫過正故又爲占者戒之又以卦德說以行險人於所悅則不知止乃處悅而以行險之道處之節之義也又以卦位當位以節君位當剛臣位當柔賢位當剛過中之位當柔民位當剛君外之位當柔今剛柔无不各當其位則自以節而不過矣又

以二中爻中正以通九二九五皆剛居中  
正中復无剛以間之是上下以中正之道  
相通又亨之義也此三語本串雖有所說  
必以險行各當其位以相節一至于中正  
以通貫於始末要爲亨而不窮之道也因  
又推其義於天地以明其自然於王道以  
明其作用天地春夏秋冬每時之氣不任  
其一往而至於過必有氣候以節之則氣  
以次而亨運乃不窮而四時成功矣王者  
知人之嗜欲无窮民間之財貨有限不可  
聽其一往而至於盡於是制爲法度以節  
之尊卑隆殺各有用數則用以而節物  
乃不窮而不傷財害民矣  
亦无非亨而不窮之道也

象曰澤上有水節君子以制數度議德行

澤上有水澤有限則水有限故爲節君子  
以制數度議德行數者度之數如尊卑貴

賤其用物各有多寡之數制之使不得越也德存諸中行發於外如喜怒哀樂無節於內則物誘於外而不中節矣議之則講解訓誥使人知所脩也

初九不出戶庭无咎

象曰不出戶庭知通塞也

剛居下位有不出戶庭之象戶庭民之家也星曰庭星有門曰戶戶庭止一星民家淺窄初有此象而剛能節之故不出也而其占无咎不出戶庭亦太拘迫而過則无之也兌悅遇坎陷坎爲戶庭有此義象謂知通塞也占者時處其塞即宜守下民之節極其慎密而不可以求通若求通則得咎矣

九二不出門庭凶

象曰不出門庭失時極也

剛居下中有不出門庭之象門庭土之家也屋門爲戶垣門爲門門上覆屋曰庭較民居爲大二有此象而剛能節之故亦不出也而其占則凶兌毀拆遇震恐有此義家計者民之常故初无凶占二賢位以四方爲志以爵祿爲養區區盡節於門庭之內必際遇之窮困阨之極失其志而廢其養占者如是安得不回象謂失時極也斯豈第道不行已哉饑饉疾病憂讒畏譏禍患中之者然後門庭不可得而出也初二同象而不同占士民之相去豈不殊與

六三不節若則嗟若无咎

象曰不節之嗟又誰咎也



柔居遇中有不節若則嗟若之象節者節其退遇中自不節矣不節則侈濫者必至於困窮不節致困唯有嗟歎耳兌爲吝嗟遇乾純陽主發散爲此象而其占无咎不節之嗟又誰咎也凡不樽節之人多厚於施爲人自不過責之自受困乏已耳故得无過也易凡言无咎皆有此義无過於已則貞之義也不見責於人則无咎也

## 六四 安節 亨

象曰安節之亨承上道也

柔居高位比九五有安節之象柔臣承剛君安守節度而不違故有是象占者如是則亨承上道也人臣以柔順之道承奉乎剛君而守其節度其有不亨過者乎坎水遇兌澤澤水入川就道有此義

九五甘節吉往有尚

象曰甘節之吉居位中也

剛居尊位有甘節之象甘者所嗜也剛中  
爲節主制度以節天下而已之數度爲極  
隆如此之節立无制於有制之中其志得  
伸而用不窮天下之最甘而可嗜者故爲  
甘象坎爲有制遇坤順有此義而其占吉  
往有尚占者如是往必有功而可嘉尚故  
吉也象曰甘節之吉居位中  
也居君位正中故有此占也

上六苦節貞凶悔亡

象曰苦節貞凶其道窮也

柔居節終有苦節之象苦者不可堪也上  
六窮位无可復之者也居君上必欲自伸

者也。節已窮而必欲自伸其間之難堪者，可勝言哉！坎為險，遇巽入有此義，而其占貞凶，悔亡，占者宜守正而凶，所不免。悔亦亡也。問正而猶凶，何貴正？曰：數在此，即不正亦凶。何如正？凶一也。而待不正，故可悔。凶一也，而无不正，故悔亡。此知易之學，其理最切。奈未可與不學者道也。卦若節，不可貞，示人知所通變，以適節之中，正戒之於先，恐其至於窮也。爻貞凶，悔亡，即事而言其節已苦，而道已窮也。

三三

巽上  
兌下

中孚豚魚吉利涉大川利貞

彖曰：中孚柔在內而剛得中，說而巽，孚乃化邦也。豚魚吉，信及豚魚也。利涉大川，乘木舟

虛也中孚以利貞乃應乎天也

節而信之故受之以中孚中正信為中孚中孚中孚猶  
曰孚上下互以中正相信為中孚中孚中孚猶  
忠信也卦所以名中孚者通二體而論之  
柔在內柔順也上卦以向下者為內心順  
於下也下卦以向上者為內心順於上也  
分二體而論之剛得中九二九五得中正  
也以卦德論之說而異喜說而相入也總  
言上下同以相順為心而各得中正於是  
相說相入而上下兩中通為一中兩剛通  
為一剛中正交孚已无上下形跡之可求  
而至於化矣是孚者乃化邦也故名中孚  
化邦二字本詮中孚化者以中正化之也  
下以中孚於上以中孚於下一邦之人  
皆化為忠信故為中孚也而其占豚魚吉  
者信及豚魚也言中孚化邦之時人皆忠  
信即豚魚亦不忍欺之豚魚亦得順其性

而獲吉也。非時不取，非禮不殺，在人爲信。及於物在物，則生全者已多，豈非獲吉推此中孚之時，人安物阜，蓋可知矣。又占利涉大川者，乘木舟虛也。巽木澤水，乘木涉水之象，而柔內剛外，又舟虛之象。舟虛自无沈覆之慮，有不利涉者乎？又占利貞者，中孚以利貞乃應乎天也。中則正孚則利，天理本正，彼此賦性无異。此以正感而彼自以正應，所不容已於應者，天也正有不利物者乎？取豚魚者，豚性異，遇澤而巽之口常向下，魚性說見風而說之口常向上，故於巽兌取豚魚易之取象本无定例。如巽雞兌羊，則於中孚不似故不取也。

象曰：澤上有風，中孚。君子以議獄緩死。

風巽入於澤，澤開說於風，咸應交孚有中孚之象。君子以議獄緩死，議獄獄未成議。

而受其情也當如風之異澤无不入其中而說之緩死獄已成緩而寬其期也當如澤之悅風无不開其情而解之議之而后定定之而后死既可死即非可生然猶寬緩之下欲遽死雖死而中心孚於君子矣天下唯獄死之事難以中孚君子於此得之乃所謂中孚也

### 初九虞吉有他不燕

### 彖曰初九虞吉志未變也

剛居下位其占虞吉有他不燕虞有所失而憂度也初九本與六四正應而交孚六四比九五切近尊位而剛柔交孚則不暇應初初不得其孚則憂而虞度之也此下民之心不得信於上不敢自寧而憂思求信之義故占者如此則吉也若遂變其志

而有他心則必獲罪戾而不燕安矣  
兌澤遇坎水坎水爲心憂有此義

九二鳴鶴在陰其子和之我有好爵吾與爾  
靡之

象曰其子和之中心願也

剛居下中有鳴鶴在陰其子和之之象陰  
幽深之處下之中也鶴二也子五也鶴性  
陽而處陰下之地飛則戾天老者好居少  
者好騰父居子騰下鳴上和呼應常通於  
一中孚之中下本通上故有此象兌爲口  
舌遇震震爲善鳴又上下二卦巽兌二口  
相向皆有此義以象賢者有忠信之德雖  
居下位而感通在上之人有一心相貫之  
誠如是也而其占曰我有好爵吾與爾靡  
之我周公自言也周公因九二中孚之至

而自發其好德之誠言君子有中孚之德  
若鶴鳴子和於下者我决不令其在下我  
有好爵不吝與爾靡費之此特贊辭而占  
者之宜以忠信感人亦可見矣象因取子  
之義未明而曰爻言其子和之者謂中心  
願也若非其子或出於強和有之即不足  
以喻九二感  
通之神矣

### 六三得敵或鼓或罷或泣或歌

### 象曰或鼓或罷位不當也

柔居過中比六四有得敵之象敵六四也  
兩柔相對而四制三曰得敵六三當中學  
而過中是不中孚也天下不忠信之人善  
者遜之不與校越肆其爭奪如六三居九  
二之上是也與之校者以力制之則得敵  
而不敢動如六三居六四之下是也故有



此象而其占或鼓或罷或泣或歌六三不忠信之人其進退悲喜无常能占者如六三之德則亦如是矣動止自有常道不忠信者人善之則驕逞狂肆而鼓進人威之則神乏而力罷矣得失自當反已不忠信者有失於其私則怨天尤人而悲有得於其私則狂喜以鳴得意而歌也此皆六三上於九二下於六四之義故曰或鼓或罷位不當也不言泣歌罷則泣鼓則歌也兌遇乾兩金相敵兌悅則鼓歌遇乾柔不敵剛則罷泣有此義

## 六四月幾望馬匹亡无咎

### 象曰馬匹亡絕類上也

柔居臣位有月幾望之象日爲君月爲臣月无光得日之光爲光幾望十五以前光

最盛也六四比九五以柔順剛而得君之  
孚信臣道最盛故有此象又比應皆剛孚  
五舍初有馬匹亡之象馬初九也馬匹言  
其類未爲臣時貧賤之侶也四居高位超  
絕倫類而上近人君不及與舊侶相應與  
如馬匹之相失也巽亦爲月遇乾乾爲馬  
有此義而其占无咎中孚之時  
心一於君不暇有二故无過也

## 九五有孚攣如无咎

## 象曰有孚攣如位正當也

剛居君位有有孚攣如之象有孚與賢人  
相信也攣如信之固也上下二剛相應而  
中无所隔故有孚而且攣如也君位與賢  
位位勢懸絕稍有疎隔則信不固矣占者  
如是自无咎巽入遇艮止有此義象曰有  
孚攣如位正當也君不孚於賢而誰孚哉

上九翰音登於天貞凶

象曰翰音登於天何可長也

剛居中孚之上上有翰音登於天之象翰羽也音鳴也雞曰翰音登天則徒以翰音聞於衆而實險異爲雞遇坎險有此義中孚本實德乃習尚之極而務於虛文以眩人此忠信之衰也而其占貞凶占者如是以爲正則凶也象謂翰音登天何可長也雞无長飛天之理人務於忠信之名豈可長乎故凶也中孚之卦以存諸中者爲至故莫吉於二雖九五之中則已恐涉於外而欲固之况上乎

三三震上艮下

小過亨利貞可小事不可大事飛鳥遺之音

不宜上宜下大吉

彖曰小過小者過而亨也過以利貞與時行也柔得中是以小事吉也剛失位而不中是以不可大事也有飛鳥之象焉飛鳥遺之音不宜上宜下大吉上逆而下順也

有其信者必行之故受之以小過小過小者過也四柔見於上下二剛僅存於中故為小者過其占小過亨者小者過而亨也柔過於剛乃得通達之義又利貞者過以利貞與時行也占者有不得不過之時則過即為正不過反不得為正故宜隨時而行小過之道也又可小事不可大事者以卦體言柔為小在事即為小事剛為大在

事即爲大事二五兩卦之中在事即爲作  
事之主五又掌位全卦之君在事即爲大  
事之主柔得上下二中小事主之是以小  
事吉也剛失尊位而不中大事失主是以  
不可大事也應請占者小事可以過大事  
不可過其占又爲飛鳥遺之音不宜上宜  
下大吉者以卦德言上動下止如飛鳥震  
爲羽在上而能飛艮爲趾在下而能止故  
有飛鳥之象焉鳥飛而音從之試聽其將  
飛之音必振厲其勢逆也將止之音必安  
和其勢順也飛鳥若以音遣人而告之以  
上逆下順也卦有是象占者不宜進而求  
上於人宜退而求下於人則大吉

象曰山上有雷小過君子以行過乎恭喪過  
乎哀用過乎儉

山上有雷山勢合則雷聲加強是亦小者  
過也故爲小過君子觀象以行過乎恭喪  
過乎哀用過乎儉恭喪哀儉皆以小自處之  
類行寧過於恭喪寧過於哀用寧過於儉  
此皆如山上有雷以小自處卽有不得不  
過者也大過過於剛正故獨立不懼遊世  
无悶小過過於柔  
正故若此三事也

### 初六飛鳥以凶

象曰飛鳥以凶不可如何也

柔居最下其占飛鳥以凶雖飛鳥於此亦  
不能免於凶言必遭網羅捕獲之患艮止  
遇離麗有此義而占者之凶可知矣象  
曰不可如何也言困窮而莫如之何

六二過其祖遇其妣不及其君遇其臣无咎

象曰不及其君臣不可過也

柔得中位有過其祖遇其妣不及其君遇其臣之象而其占无咎祖九四也則九三爲父可知過祖則遇父不待言矣妣祖母六五也小過柔見剛則過之故三四兩剛皆在所過爲過其祖之象然過剛不過柔六五柔也故遇而不過爲過其妣之象六五本君位遇而不過又有不及其君之義是以臣而遜君也遜君則惟臣位是居是又適與九四遇而未常過也故又爲過其臣總言二之以小過大柔順得中過四之剛不過五之柔如過其祖遇其妣也又不遇五之尊而止於四如不及其君遇其臣也故象曰不及其君臣不可過也臣字總指四言二賢位退則居二爲賢進則居四爲臣總之臣无過君之理无咎者過本有咎過而不過則何咎艮土遇巽木小過人

入而止  
有此義

# 九三弗過防之從或戕之凶

象曰從或戕之凶如何也

剛居過中之位上比四剛下比二柔其占  
弗過防之從或戕之凶小過柔過剛剛不  
過剛故弗過言三不過四也防之防二之  
勝已設戒以自脩也過中者失道之剛若  
有過勝乎剛之心則四在我上不勝而反  
受其害矣二雖柔中當小過之時實能勝  
剛若不防範而恣意任剛亦必受其害矣  
艮止遇坤順言當止而順之若有怠忽之  
心或有從而戕害之者凶如何而能免也  
占得此爻遇剛不可求勝遇柔亦不可生  
怠慢之心



九四无咎弗過遇之往厲必戒勿用永貞  
象曰弗過遇之位不當也往厲必戒終不可  
長也

剛居臣位比柔君其占无咎弗過遇之在  
小過爲剛不過柔在臣位爲臣不過君不  
過而相與接遇故无咎也六五爲小過之  
主其以柔過剛者爲最盛九四適與之遇  
則正當其相勝之鋒故占者又往厲必戒  
勿用永貞厲剛也必當戒禁而不可以剛  
厲往也自己之剛正勿用永久自守而當  
變以從柔也故象曰弗過遇之位不當也  
往厲必戒終不可長也震變坤  
變其震厲以從柔順有此義

六五密雲不雨自我西郊公弋取彼在穴

象曰密雲不雨已上也

柔居君位有密雲不雨自我西郊之象陰  
下陽上則爲雨當小過則陰有超過於陽  
之義而六五居上二剛居下陰上陽下雖  
有密雲自不雨矣雲自西郊而往東行言  
應雨也陝以東東風而雨陝以西西風而  
雨岐周雲自西郊言西風應雨不雨也事  
必以剛成之六五之君以柔勝剛不肯以  
柔而稍下於剛雖欲以膏澤加民必不能  
之勢矣震遇兌兌爲澤爲西震爲動爲東  
澤氣動而爲雲无坎有不雨義其占爲公  
弋取彼在穴公呼占者而謂之也仰射日  
弋穴溪下之處告占者公方仰而取物於  
上而彼則在於溪下之處萬无得之理也  
震爲弋澤爲魚有此義象曰密雲不雨已  
上也陰已超乎上則  
陽自在下何得雨也

上六弗遇過之飛鳥離之凶是謂災眚

象曰弗遇過之已亢也

柔居卦上比六五不遇剛而并柔亦過之有弗遇過之之象此小過之極則不安而有災矣故其占為飛鳥離之凶是為災眚震為飛遇離麗有此義災天災也青人害也象曰弗遇過之已亢也小過之上六雖不遇剛而猶過之是其過於高亢尊已而做物故必有天怒人怨之事而不能逃也

三三

坎上  
離下

既濟亨小利貞初吉終亂

亨小為句

彖曰既濟亨小者亨也利貞剛柔正而位當

也初吉柔得中也終止則亂其道窮也

有過物者必濟故受之以既濟既濟用也  
卦名既濟取水火之義火本上炎而居水  
下爻而既用之火也水本下潤而居火上  
釜而既熟之水也故名既濟而其占則爲  
既濟亨小利貞既濟之亨小者亨也故爲  
亨小以卦體自下而上皆剛上亨柔也柔  
小也柔不能自亨而亨於剛三柔俱立於  
三剛之上而得亨是小者亨也占者而柔  
則得亨矣利貞者剛柔正而位當也九五  
一剛正乎君位三柔與比與應各正在下  
之位而得其當故占者利正也其占又初  
吉者柔得中也六二居下卦之中作事之  
始柔順得中故初吉也其占又終亂者終  
止則亂其道窮也事无中立之勢不濟則  
進既濟則止止无常止衰亂至矣其濟之  
道已窮盡也占者戒其終不有止心亂安

從生哉

象曰水在火上既濟君子以思患而豫防之

水火雖相尅而用之則有化氣水无在火上之理水在火上釜爨之用火燎水熱故爲既濟水火既濟則水爲將竭之水而火爲將熄之火矣故君子觀象以思患而豫防之事之既成人以爲喜正君子之所憂也此時之患必思而後得不思不見其患也豫防而後可免不豫防必不免也此既濟之大義也不以戒處成事雖已濟而敬戒不衰常知其初可也

初九曳其輪濡其尾无咎

象曰曳其輪義无咎也

剛居下位有曳其輪濡其尾之象曳仆也  
輪本能行而仆曳其輪則不能行濡弱也  
獸以尾涉而濡曳其尾則不能涉剛本能  
濟事而居民位最下如輪之曳不能濟也  
卽強欲濟之而下民力弱不能竟事如尾  
被水沾濡而力弱乏終不能濟也雖爲輪  
遇艮則曳難爲孤初爲尾遇艮則濡而其  
占无咎當既濟而不能濟則有過然曳其  
輪義无過也民位雖有濟事之才而  
居下如輪之仆可以責其不行乎

## 六二婦喪其茀勿逐七日得

### 象曰七日得以中道也

柔居中位有婦喪其茀勿逐七日得之象  
茀婦車之蔽帷幔也婦行以茀喪茀則有  
妨於行矣下卦坎有是象然當既濟之時  
處賢位應九五不待干求而人君自有求

賢濟事之理故有七日得弗之象離遇乾  
乾爲車離爲弗有此義七日六爻之復數  
象曰七日得以中道也中爻反復相變人  
君欲濟事亦以中正之道反復通變而已  
九三高宗伐鬼方三年克之小人勿用

象曰三年克之憊也

剛居過中有高宗伐鬼方三年克之之象  
離爲甲兵遇震帝出震爲人君帥師三爻  
爲三年有此義高宗事未詳鬼方遠方地  
離當爲南方高宗中興之業旣成而遠方  
有未服伐之三年乃克用兵旣久勞師疲  
衆可謂憊矣鬼方无益之地克之无濟於  
事而反得勞師動衆之憂此遇中之濟事  
雖濟而猶无濟者也而其占小人勿用此  
事雖高宗可行之若小人則不惟勞憊其  
師而不能濟事必反得敗故占者不可用

也小人

六四繻有衣袽終日戒

象曰終日戒有所疑也

柔居臣位有繻有衣袽終日戒之象繻塞舟漏之物衣袽敗衣也戒備也塞舟漏之物常有衣袽以備之雖不必漏而不敢自寧終日戒備也六四臣而柔有濟之任而以不能濟為心任大責重恐其有失故有此象坎為水遇兌澤有此義象曰終日戒有所疑也占者有所疑則可以如是矣

九五東鄰殺牛不如西鄰之禴祭實受其福  
象曰東鄰殺牛不如西鄰之時也實受其福



吉大來也

剛居君位既濟之成者也其占爲東鄰殺牛不如西鄰之禴祭實受其福東陽方言九五也西陰方言六二也殺牛盛祭也九五功成備物祭自盛此報功之祭也禴儉約也六二始事物不備祭自儉此祈功之祭也坎遇坤坤爲牛坎爲冬冬爲儉約以祭論祈功不如報功之盛以受福論始事則吉福日末而日大成事則吉福漸減而漸微故不如者不如其時也同爲一事而時有初終之異初則盛盛則衰禹功告成而夏漸衰湯功告成而殷漸衰武周之功告成而周漸衰時固有不得不然者矣

上六濡其首厲

象曰濡其首厲何可久也

柔居最上有濡其首之象而其占厲涉水者首不沒則終不可沒濡其首則首將卽於沾溺而身危矣濟之所爲終卽亂之所爲首也而又在上爲柔故有濡首象坎遇巽有此義占者何得不濡不久將衰亂也

三三 離上坎下

未濟亨小狐汔濟濡其尾无攸利

彖曰未濟亨柔得中也小狐汔濟未出中也濡其尾无攸利不續終也雖不當位剛柔應也

物不可藉也故受之以未濟終焉天地有闕而運會不息帝王有闕而事功无窮聖

賢有剛而學術无盡使其一濟不復再濟  
有是理乎故既濟不得為易之終而未濟  
為易之終生生之義也卦名未濟水下火  
上不相交則未用也故為未濟而其占亨  
者柔得中也六五柔順居中處正事雖未  
濟而不失柔順中正之道以自處此即所  
以為通者矣事濟之亨小道亨之亨大故  
有是占也又占小狐汔濟濡其尾无攸利  
者當未濟而欲求濟則必失道而為狐濡  
之行然雖狐濡亦終不能濟也故為汔濟  
濡其尾无攸利狐陰獸故為小狐善為妖  
淫之行以媚剛三柔在三剛之下有其象  
焉汔幾也幾濟未濟故曰汔濟言未出中  
也最上一剛柔終在其下有未出之象焉  
狐濟以尾尾弱則力乏不能續其終矣三  
柔皆不能渡剛有不續終之象焉離為狐  
互卦一離猶在坎中有尾義之占者未  
濟都是亨道若苟且求濟則亦終无利也

此以卦體論有此二義然論卦位卦應亦吉凶相半焉雖不當位剛柔應也六五不當君位而九二與應九四不當臣位而初六與應上九不當君外之位而六四與應不當則无利而剛柔相應則亦亨道也

### 象曰火在水上未濟君子以慎辨物居方

火上炎水下潤化氣不相及是未用之水也故爲未濟君子以慎辨物居方物性各不同而皆有相濟之用辨其所宜而居之以方則合異爲同皆如水火之用如五味之相調五色之相濟五聲之相均五方之相通皆得其方也又如君子與小人甚不同使君子居高位以治小人使小人居下位以奉君子則相濟而成用若昧其宜而倒置之皆无用矣

初六濡其尾吝

象曰濡其尾亦不知極也

知如字讀

柔居下位有濡其尾之象在下有尾象六有濡象坎亦為狐遇兌悅狐以媚悅陷人於險狐以尾濟尾弱則不繼矣智者自量其力以為濟事之則而後動无憂虞民位居柔不知量力妄自求濟必有濡尾之危故其占吝象曰濡其尾亦不知極也極則也量力濟事乃天理之極則民位有濡尾之吝者亦不知此而已矣

九二曳其輪貞吉

象曰九二貞吉中以行正也

剛居下中有曳其輪之象剛能行如輪在下中之位裁而不行如曳仆其輪坎為輿

冬肯有此義而其占貞吉君子當未濟之時居下以歛其剛而行正故吉也坎遇坤順有此義象曰九二貞吉中以行正也惟中所以行正

六三未濟征凶利涉大川

利字上落不字

象曰未濟征凶位不當也

柔居過中未濟之象直書卦名決辭也過中道不能濟而況其才柔乎此決然不濟之占如是而往安得不凶其占又爲不利涉大川象爲未濟自不利涉也坎遇巽爲水乘木或亦有利涉義

九四貞吉悔亡震用伐鬼方三年有賞於大

國

象曰貞吉悔亡志行也

剛居臣位其占貞吉悔亡臣以濟事爲分雖未濟亦必求濟乃正也占者固守正道則吉而悔自亡也其貞吉悔亡者何如震用伐鬼方三年有賞於大國遠方未靖人臣之責震厲而伐之三年之久當有克捷之功天子賞功而封國焉離爲甲兵爲鬼方遇艮爲封國有此義此爲臣忠國之正道未濟之中而猶有濟有何悔乎象曰貞吉悔亡志行也忠國之志得行於君也

六五貞吉无悔君子之光有孚吉

象曰君子之光其暉吉也

柔居君位其占貞吉无悔君子之光有孚吉五爲未濟之君而柔處之以未濟爲主

者也離明遇乾健明於時之不濟正固自守者也故占者守正則吉君位而不濟所失多矣雖失无悔也君子有德之稱君位有功之位占者守未濟之正雖无功可稱而有德可觀故爲君子之光暉有孚於人則吉也象曰君子之光其暉吉也言光暉卽是吉非又有所謂吉也離火乾金俱爲光暉

上九有孚於飲酒无咎濡其首有孚失是

象曰飲酒濡首亦不知節也

剛居卦終占者有孚於飲酒无咎若濡其首則有孚失是酒无濟於日用然祭祀洽賓養老疾則有濟焉有信於此理就未濟之中以求有濟則可无遇上九剛居卦終未濟之極卽有濟之始有此義上九離末應六三坎末爲水火之氣離變震爲穀氣



有酒義若遂過於飲酒至於沈湎濡弱其  
首則雖有信於飲酒之理而又失其是當  
矣是未濟之終藏有濟之始而亦不可過  
於有爲也象曰飲酒濡首亦不知節也此  
未濟有濟之間自有  
節度明動則得之

周易下經二終

周易

張沐疏畧

繫辭上傳

共十二章

孔子既有彖象文言專釋卦爻又統論易理之始末詳著占玩筮著之法則以明其體用之盛而彰其變化之神爲之辭以繫於經文之後命曰繫辭分上下篇而以傳別之蓋文周以辭繫卦爻之後皆名繫辭而爲經孔子以辭繫經文之後亦名繫辭而爲傳也傳者傳也言乎所繫之辭非自爲一說蓋傳經之義也云爾故後之習彖象文言而猶有未曉者觀繫辭燎如指掌矣自學者不必以彖省卦不必以象省爻而至於繫辭故尤爲寬論增講不盡宗之以解易此易所以雖存天下而實亡與

天尊地卑乾坤定矣卑高以陳貴賤位矣動  
靜有常剛柔斷矣方以類聚物以羣分吉凶  
生矣在天成象在地成形變化見矣是故剛  
柔相摩八卦相盪鼓之以雷霆潤之以風雨  
日月運行一寒一暑乾道成男坤道成女乾  
知大始坤作成物乾以易知坤以簡能易則  
易知簡則易從易知則有親易從則有功有  
親則可久有功則可大可久則賢人之德可  
大則賢人之業易簡而天下之理得矣天下

之理得而成位乎其中矣

此言義易也自天尊地卑至變化見矣言  
未有易之先已有易之理也自是故至末  
言既有易之後而天道人事功用之極致  
无不具於易也乾坤定者六十二卦皆乾  
坤二卦所成也卑高以陳言萬物也貴賤  
位六爻之位也初民位二賢位三過中之  
位四臣位五君位上君外之位動靜有常  
物之剛者常動柔者常靜也方以類聚言  
比也物以羣分言應也卑高動靜皆物物  
之所居爲方方物互文也在天之物成象  
在地之物成形如乾天象震離巽亦天象  
也坤地形艮坎兌亦地形也變化見者爻  
動則卦變每一爻動可成二卦卽以二卦  
觀其象形萬物生於天地故易定於乾坤  
物有卑高之陳故易有貴賤之位物有動  
靜之常故易有剛柔之斷物之卑高動靜

有聚分之異故易之貴賤剛柔有吉凶之殊物之象形有在天在地之不同故易之吉凶有變化之見是故剛柔相摩以成卦八卦相盪以成易易豈无因而作者哉相摩卽陰陽二畫加至三層成八卦者相盪每一卦各加八卦成六十四卦者天地摩盪乃有六位可以觀貴賤斷剛柔分比應見變化以成易矣易旣成而造化之理亦遂无所不備雷霆四句言易備天道焉剛之摩柔卽雷霆之鼓物柔之摩剛卽風雨之潤物曰昏剛也月寒柔也摩濕卽日月運行一寒一暑乾道二句言易有生人之道焉乾剛健卽所以成男之道坤柔順卽所以成女之道乾知二句言易有開人事之始末焉人事之理始於有知卽乾之健也成於有作卽坤之順也乾以易知二句言知能本乎易簡亦不外於易也乾健者自然之明覺故易坤順者則奉知而行故

簡易則易知以下又推易簡以盡功用之  
極致皆不外於易也易則人皆有此易之  
理故亦易知簡則人皆有此簡之能故亦  
易從易知則以知相導而信之者衆故有  
親易從則以能相效而事无不成故有功  
有親則情一於內故可久有功則勢動於  
外故可大可久則賢過於人之德可大則  
賢過於人之業人能體易道以盡易簡而  
天下之理得矣天下之理得而天位乎上  
地位乎下我可以成位乎其中矣玩易者  
六十四卦皆當以乾坤玩之既明於乾坤  
次玩賁賤賁既分次玩剛柔剛柔既立  
次玩比應比應既得又玩本卦及變卦是  
何象形則學易之門得矣卽可於其中識  
天道之用達人生之理悟知能之原易簡  
之德與夫及物之功參贊之化則學易之  
益亦得矣此節最重故冠繫之首學者  
昧此而欲知易猶欲入室而昧其門也

聖人設卦觀象繫辭焉而明吉凶剛柔相推  
而生變化是故吉凶者失得之象也悔吝者  
憂虞之象也變化者進退之象也剛柔者晝  
夜之象也六爻之動三極之道也是故君子  
所居而安者易之序也所樂而玩者爻之辭  
也是故君子居則觀其象而玩其辭動則觀  
其變而玩其占是以自天祐之吉无不利

此言周易也聖人文王周公也六十四卦  
日卦卦有爻象曰象辭者卦爻吉凶之辭  
也文王周公陳義卦而觀其象以察其吉  
凶而繫之辭以明告於人也吉凶既明又

設大衍以爲占法則剛柔相推而生變化  
剛柔剛爻柔爻也推遷易也變變新也化  
化故也筮著立卦剛爻動則變柔而化其  
剛柔爻動則變剛而化其柔此所以別動  
爻取變卦而吉凶之幾有至妙者矣下皆  
釋文失得之象有得象則吉有失象則凶  
也憂虞之象悔者過而憂虞吝者不足而  
憂虞也二者界可吉可凶之間故前以吉  
凶荖之也變化非有

改異不過一氣自爲進退而已剛柔非有  
二質不過晝夜之象有顯有晦而已剛柔  
必相變化者何六爻之動三極之道也凡  
動爻皆筮著所得九六之數三九成老陽  
三六成老陰必三之者天地人之數皆極  
極則動動則變變則化也易之序六爻初  
終之次序卽貴賤之位也六十四卦每卦  
有六等位次足以盡人生不齊之遇故君



子平時所當一一設身處地而安之也爻之辭則卽所以爲序之理平時又當心樂而然玩之也居則觀象玩辭卽蒙上二義言平居之學動則觀變玩占乃言臨事之用動臨事也變爻動而卦變也占卦爻之辭也占者占據之義卦爻之辭所示之吉凶不可不占據以守之也故曰占君子靜以學易動以用易動靜无非易卽无非天也是以自天祐之吉无不利也此章前言吉凶變化作自聖人者有自然之理後言玩吉凶之辭觀變化之占君子之學易有信從之用兩段相照應要在吉凶變化而已

彖者言乎象者也爻者言乎變者也吉凶者言乎其失得也悔吝者言乎其小疵也无咎

者善補過也是故列貴賤者存乎位齊小大者存乎卦辨吉凶者存乎辭憂悔吝者存乎介震无咎者存乎悔是故卦有大小辭有險易辭也者各指其所之

彖謂文王卦辭言乎象如元亨利貞言乾之象牝馬之貞言坤之象是也爻謂周公爻辭言乎變如潛龍勿用言乾初之變見龍在田言乾二之變是也象者卦之全體變則象之一節吉凶者言乎象變之得失悔吝者言乎得失之小疵无咎者又即其失與疵而補救之爲善補過也變爲爻則爻有貴賤故列貴賤者存乎位象爲卦則卦有大小故齊小大者存乎卦貴賤曰列者六爻之臚列也齊者齊小大而均之地也

剛主卦爲大如乾泰屯蒙比師之類是也  
柔主卦爲小如坤否畜履之類是也若辨  
吉凶則存乎辭貴與大不必盡吉賤與小  
不必盡凶觀文王周公所係之辭无一定  
之吉凶可知矣若憂悔吝則存乎介介央  
絕之義旣以悔吝爲憂則介然絕之而已  
若震无咎則存乎悔震厲以補過是改過  
之勇不悔何能勇改過乎是故卦有大小  
若似乎大卦皆吉小卦皆凶而不得齊至  
觀其辭則大亦有險易小亦有險易大小  
均齊者蓋辭也者各指其所之之猶趨也  
卦能憂悔吝震无咎是自趨於平易若不  
以爲憂不以爲震是自趨於險難故卦爻  
之辭不論小卦大卦而唯各就其所趨而  
指其吉凶此所以齊小大者雖在辭而其  
實在憂悔吝震无咎而已矣皆學者所當  
知也

易與天地準故能彌綸天地之道仰以觀於  
天文俯以察於地理是故知幽明之故原始  
反終故知死生之說精氣爲物遊竟爲變是  
故知鬼神之情狀與天地相似故不違知周  
乎萬物而道濟天下故不過旁行而不流樂  
天知命故不憂安土敦乎仁故能愛範圍天  
地之化而不過曲成萬物而不遺通乎晝夜  
之道而知故神无方而易无體

作易原準天地故易能彌綸天地之道準  
則也彌者盡其大綸者盡其密知幽明死

生鬼神言與準之實與天地相似以下言  
彌綸之實聖人作易之始觀察天地原反  
始終物變故无所不知知之既明而作易  
以道其故明其說顯其情狀此準之實也  
知幽明則與天地相似故動作自不違  
知死生鬼神則知周乎萬物而其道足以  
濟天下故萬物不能過我之道濟雖有患  
澤旁行而亦不謂之流八字共爲一句不  
違則樂天知命矣故可以不憂不過不流  
則安靜如土而敦厚其仁故能愛也自有  
易以來而天地无奇理不過幽明一氣之  
進退易足以範圍之而不過萬物无奇情  
不過死生鬼神一氣之化育易足以曲成  
而不遺幽明一氣而通天地之象死生鬼  
神一氣而通萬物之變是範圍而成晝夜  
之道也通乎晝夜之道而知故天地之道  
之神本无方而易之彌綸亦无定體此彌  
綸之實也天文者天有日月星辰之行

可觀是也地理者地有生長收藏之理可  
祭是也天明地幽故者所以然之理也生  
者天地之氣交而物始也推始可以知生  
之說死者天地之氣既往必反而物終也  
反終可以知死之說生死之說卽天地之  
化育也精陰氣陽合聚爲物聚爲精氣散  
爲遊魂遊魂爲變於變可以見鬼神之情  
狀鬼神之情狀又卽生死之實理也不違  
者行事令天地幽明之德也知周知之盡  
也萬物自生迄死至於鬼神盡明其理也  
道濟以道施濟也如富教以厚其生喪葬  
以處其死祭祀以事鬼神皆道也不過者  
如其死生鬼神者以還之也旁行者死生  
鬼神禮制煩多有充類盡義之事似於不  
經然皆實理之宜然非流於蕩也樂天天  
理之自得者也知命得喪之一致者也若  
與天地不相似則无自得之實而不能樂  
亦以得喪生怨尤而不能知矣樂天知命

故不憂也土者物之所以生安土則萬物  
胥賴之矣仁者及物之德敦厚其仁猶  
肫其仁也若知不周道不濟則不能如是  
以愛物矣安土敦仁故能愛也天地之化  
者二氣合同而化於一也範圍作範以圍  
之也天地之化本員一日則晝夜之往來  
一月則晦朔之往來一歲則寒暑之往來  
易只象此員在耳故易逆數也如六十四  
卦員圍天地之化豈能出其範圍曲成亦  
員義如五行相濟五味相調五德相成五  
刑相制无非陰陽不已之成就也晝夜之  
道一而一明一死一生一鬼一神其進退  
陰陽者如晝夜而已聖人通此道而知故  
能範圍曲成也无方者員員故爲神无體  
者變爻  
故爲易

一陰一陽之謂道繼之者善也成之者性也

仁者見之謂之仁知者見之謂之知百姓日用而不知故君子之道鮮矣顯諸仁藏諸用鼓萬物而不與聖人同憂盛德大業至矣哉富有之謂大業日新之謂盛德生生之謂易成象之謂乾效法之謂坤極數知來之謂占通變之謂事陰陽不測之謂神

道即君子之道一陰一陽言陰陽合也陰爲事陽爲理事理配合无往不可通行故謂道闕一則不可通矣此乾知坤能之理而一中一庸一仁一義一致知一格物之義也繼相繼无間也若事至而理不繼爲所不當爲未善理至而事不繼當爲而不



爲未善故繼之者乃爲善也或不虧也性  
生理也虧此繼之者便顯滋生理成此繼  
之者便是生理不滅故成之者乃爲性也  
不繼則爲惡必繼之而后爲善不成則爲  
習必成之而后爲性本體渾是功夫此處  
須要見得仁者見此而安乎此謂之仁知  
者見此而利乎此謂之知乃仁知者少百  
姓日用乎此不著不察而不知此君子一  
陰一陽之道所由鮮矣仁知聖人也以繼  
善成性爲道卽以不繼不成爲憂可知聖  
人无不憂者也若天地顯諸仁藏諸用鼓  
萬物而不與聖人同憂盛德大業至矣哉  
豈人道所能同而可以无憂爲性善乎然  
天地雖不憂而亦非廢功用也所謂大業  
者富有之謂大業生物无窮卽仁之顯而  
可見者所謂盛德者日新之謂盛德運行  
不息卽用之藏而不可見者業陰也德陽  
也德繼之以業則生業繼之以德則生生

生之謂易此天地之易亦猶人性之易非  
不繼不成而遂有此也成此生生之象者  
調乾效法此生生者謂坤成象日月星辰  
運行之迹是也效法地之生長收藏必順  
天之春夏秋冬是也此易之所以有乾坤  
也以此生生者推之極數知來之謂占凡  
北至生長之數極者卽知秋冬之來南至  
收藏之數極者卽知春夏之來此易之所  
以有占也以此生生者推之通變之謂事  
陰窮變陽而后通陽窮變陰而后通守故  
則无爲變新則有事此易之所以有事業  
也凡此生生者陰陽不測之謂神陰不生  
則止於陰陽不生則止於陽而皆可測矣  
生生自不測此易之所以神也可知天地  
亦有功用天理人性皆功用  
而學易者亦可知所從事矣

夫易廣矣大矣以言乎遠則不禦以言乎邇

則靜而正以言乎天地之間則備矣夫乾其  
靜也專其動也直是以大生焉夫坤其靜也  
翕其動也闢是以廣生焉廣大配天地變通  
配四時陰陽之義配日月易簡之善配至德  
黃就體无不適言大就用无不克言何以  
見其廣大以言乎易之遠則不可禦止是  
遠之極也以言乎易之邇則靜而正理之  
一定曰正物方靜而理已定則邇之極也  
以言乎天地之間則易无不備矣天地之  
間莫非物物莫非動靜動靜莫非易也下  
言其實夫乾夫坤皆言易之剛畫柔畫也  
靜專動直言奇也奇之理天理也靜時專  
一動時直遂是以大其生而理无所不克  
靜翕動闢言偶也偶之理地理也靜辟翕

欽動時聞張是以廣其生而形无所不具  
故廣大配天地易之剛極變柔柔極變剛  
又配四時變通之理故變通配四時易之  
有陰有陽猶天之有日有月故陰陽之義  
配日月易之乾易知坤簡能即天地資始  
成物之至德故易簡之善配至德豈不廣  
矣大矣乎

子曰易其至矣乎夫易聖人所以崇德而廣  
業也知崇禮卑崇效天卑法地天地設位而  
易行乎其中矣成性存存道義之門

德者心存於內貴崇業者事正於外貴廣  
崇德者知也知不崇則處心昏昧而德无  
由崇矣廣業者禮也禮不卑則與物騷矜  
而業无由廣矣知之崇效天天明而高也

禮之卑法地地厚而卑也要之知爲德禮  
爲業總言明行二端也自天高地卑設位  
以來而易之德崇業廣已行乎其中矣當  
其效法也明智日生禮讓日熟習以成性  
然成性者不過存存不已而无窮之道義  
皆由此出豈非道義之門乎故德崇而業  
廣矣前說性不外事理此說性又是知行  
兩性字著兩成字俱是從功夫處見可知  
性是生理須去生方是性非有死版子道  
理在人心中也故曰存存又曰道義之門  
理從出耳

聖人有以見天下之賾而擬諸其形容象其  
物宜是故謂之象聖人有以見天下之動而  
觀其會通以行其典禮繫辭焉以斷其吉凶

是故謂之爻

續雜亂也象六十四象也爻三百八十四爻之動變也會者理

之聚通者事之行也典與常不易之禮也

言天下之至賾而不

可惡也言天下之至動而不可亂也擬之而

後言議之而後動擬議以成其變化

擬議故至賾而

不可惡成變化故至動而不可亂

鳴鶴在陰其子和之我有

好爵吾與爾靡之子曰君子居其室出其言

善則千里之外應之況其邇者乎居其室出

其言不善則千里之外違之況其邇者乎言

出乎身加乎民行發乎邇見乎遠言行君子

之樞機樞機之發榮辱之主也言行君子之

所以動天地也可不慎乎

榮辱者天地之機  
權言行通之故曰

動天地同人先號咷而後笑子曰君子之道或

出或處或默或語二人同心其利斷金同心

之言其臭如蘭

出處行不同也默語言不同  
也言行雖不同而苟同心則

言行必終同耳初六藉用白茅无咎子曰苟錯諸地

而可矣藉之用茅何咎之有慎之至也夫茅

之爲物薄而用可重也慎斯術也以往其无

所失矣勞謙君子有終吉子曰勞而不伐有

功而不德厚之至也語以其功下人者也德

言盛禮言恭謙也者致恭以存其位者也

一語

字二言字皆與謂同

亢龍有悔子曰貴而无位高而无

民賢人在下位而无輔是以動而有悔也不

出戶庭无咎子曰亂之所生也則言語以爲

階君不密則失臣臣不密則失身幾事不密

則害成是以君子慎密而不出也子曰作易

者其知盜乎易曰負且乘致寇至負也者小

人之事也乘也者君子之器也小人而乘君



子之器盜思奪之矣上慢下暴盜思伐之矣  
慢藏誨盜冶容誨淫易曰負且乘致寇至盜  
之招也易曰自天祐之吉无不利子曰祐者  
助也天之所助者順也人之所助者信也履  
信思乎順又以尚賢也是以自天祐之吉无  
不利也

不思天下之積勳患不擬議其言行擬言  
議動而變化成又何積之可惡勳之可亂  
哉此所以貴易觀象玩爻而擬議在是矣  
故引中孚二爻見言行之當慎慎卽擬議  
之義也引同人五爻見慎則異者亦同引  
大過初爻言寧過慎而无所失引謙之三

又言慎之道益宜謙於有功引乾之上爻  
言不謙之有悔引節之初爻又專以慎言  
為戒引解之三爻又專以慎行為戒引大  
有之上爻又總承眾義以見言行合理即  
以得天而應人而吉利隨之人何故而不  
擬言謙動也哉自天祐一節舊居書不盡  
言之首按義有不合先儒皆謂錯簡宜在  
此特正之按節初九不出戶庭本无慎言  
語之義特取不出戶  
庭无咎為象餘倣此

天一地二天三地四天五地六天七地八天  
九地十天數五地數五五位相得而各有合  
天數二十有五地數三十凡天地之數五十  
有五此所以成變化而行鬼神也大衍之數

五十其用四十有九分而爲二以象兩掛一  
以象三揲之以四以象四時歸奇於扚以象  
閏五歲再閏故再扚而後掛乾之策二百一  
十有六坤之策百四十有四凡三百有六十  
當期之日二篇之策萬有一千五百二十當  
萬物之數也是故四營而成易十有八變而  
成卦八卦而小成引而申之觸類而長之天  
下之能事畢矣顯道神德行是故可與酬酢  
可與祐神矣子曰知變化之道者其知神之

所爲乎

節次舊錯先  
儒正之是

此言大衍之法效河圖也一三五七九皆  
奇二四六八十皆偶天奇地偶即乾專直  
坤翕開之義天數五地數五言天地之數  
各均分之皆成五也五位相得而各有合  
者一二三四五十五相得各成五數以位乎  
中間合天數二十五九六七八相得各合  
五數以位乎外邊合地數三十此言天地  
已不分論但取天之數以至中爲太極取  
地之數以布於外爲老陰老陽少陰少陽  
也成變化者以中五衍外九六七八使每  
一數皆成五數每一五皆成五五共三百  
七十五數卻退去原數十五止三百六十  
數成一歲三百六十日也行鬼神者三百  
六十日寒暑消長榮枯往來而吉凶見故  
曰鬼神也文王取天地變化之數衍易故  
大衍之數五十以二十五數衍九二十五  
易龍學

下至二

整

至

數衍六故五十也其用四十九去一又掛  
一不算者退去九六原數十五也實用止  
四十八策二十四其九二十八衍法亦同衍  
三百六十當期之數也七八衍法亦同衍  
法奈何分掛標劫是也分二象兩兩儀也  
掛一象三三才也標四象四時人事必以  
時而成三才之合用也故標數為重而動  
靜於是取之四時者一歲之完氣故算標  
數及餘數皆以四策為一數也歸奇象閏  
閏餘歲乃成歸奇數乃成也分掛標劫之  
法備而九六之數陰行乎中左三箇陽數  
為陽極右必九而知九陽老將變也左三  
箇陰數為陰極右必六而知六陰老將變  
也故易之有爻皆言其老變之義七八不  
老不變衍法雖同而靜不為用故不言也  
凡乾畫即九也坤畫即六也算乾卦六爻  
之策凡得一乾爻則劫策餘三四之數而  
標策必九四之數四九三十六通計六爻

則得二百一十六策論坤卦六爻之策凡  
得一坤爻則劫策餘六四之數而據策亦  
必六四之數四六二二十四通計六爻則得  
百四十有四策合二卦之策凡三百有六  
十此唯不算初掛一策以其獨非據餘也  
期之日一歲之日也二篇之策言上下經  
共三百八十四爻也陽爻百九十二以據  
策九數計之得六千九百一十二策陰爻  
百九十二以據策六數計之得四千六百  
八策合之萬有一千五百二十萬物不止  
此數萬有零故足當之也易中用九用六  
之數適當一歲之日萬物之數此所以成  
易之變化也然非四營十八變則此數不  
應而卦卽不成是故筮著之時必四營成  
易十八變而成卦四營卽分二掛一據四  
歸奇也成易成一變言改易而復營也四  
營爲一變三變成一畫十八變成六畫則  
卦成也八卦小成者上下卦共兩層若一

層則止八卦耳未足當期之日萬物之數  
卽未能成變化故爲小成引而伸之每卦  
上加一卦言六爻也觸類而長之每一卦  
各加八卦言六十四卦也天下之能事畢  
言天地萬物之數已足變化已成而卜筮  
之數合吉凶悔吝之情无能出於其外能  
事豈不畢乎下卽言能事顯道神德行天  
地之道甚微以易而顯而人占玩之卽能  
體天地以爲德行則人之德亦以易而神  
是故吉凶悔吝呼應如響人也而可與天  
地爲往來酬酢矣是神之所欲爲而易代  
爲之可與祐助天地之神矣此所以行易  
之鬼神也○筮儀將筮沐浴齋戒焚香執  
策祝曰假爾泰筮有常假爾泰筮有常某  
官姓名今以某事受質於神吉凶悔吝尚  
明告之乃取一策反於幘中兩手中分四  
十九策是象兩也次掛右分一策於左手  
小指是象三也乃以右手揲左手之策而

四數之是象四時也遂歸其揲餘之策扚於左手无名指是象閏也又取右分之策於左手執之而以右手四揲之歸其餘策扚於左手中指是再閏也此爲一變於是又乃取二分揲策而合之復分掛揲扚如前是爲二變於是又乃取二分揲策合之復營如前是爲三變三變既畢乃視其所得掛扚之策而畫其爻於版一四二八爲少陽畫一謂之單三四爲老陽畫○謂之重一八二四爲少陰畫一一謂之拆三八爲老陰畫×謂之交如是九變而成下卦十有八變而成全卦乃考其老者爲動爻爻動則卦變於是無論幾爻動要以動爻之義與變卦之義爲詳玩焉

易有聖人之道四焉以言者尙其辭以動者尙其變以制器者尙其象以卜筮者尙其占



是以君子將有爲也將有行也問焉而以言

其受命也如嚮

音響

无有遠近幽深遂知來

物非天下之至精其孰能與於此參伍以變  
錯綜其數通其變遂成天地之文極其數遂  
定天下之象非天下之至變其孰能與於此  
易无思也无爲也寂然不動感而遂通天下  
之故非天下之至神其孰能與於此夫易聖  
人之所以極深而研幾也唯深也故能通天  
下之志唯幾也故能成天下之務唯神也故

不疾而速不行而至子曰易有聖人之道四  
焉者此之謂也

易為聖人所作故有聖人之道其道其辭足以  
為言之道其變足以為動之道其象足以  
為制器之道其占足以為卜吉凶之道也  
問焉以言問易而求其辭也受命如響易  
受人之命而告之如響之應聲也無論遠  
近幽深皆以辭告之人遂得知其未來之  
事用言者尚此以為明理斷事之辭則精  
微之至矣參三之用也伍五之用也變十  
有八變之變也分二矣又掛一象三則參  
之也揲四矣又歸奇象間則伍之也不參  
不伍不盡其變則畫不成文亦不成矣故  
通其變遂成天地之文陽畫天文陰畫地  
文陰陽相雜天地之文也錯交互也綜總  
挈也數乾坤二篇之策數即九六之數也

每一卦六爻要皆九六之數所錯而成也是謂錯其數六十四卦之九六總成萬有一千五百二十之數是謂綜其數參伍以變則錯綜其數矣不錯不綜數不極則卦不盡象亦不立矣故極其數遂定天下之象象六十四卦之象卽所以象天地萬物也使動者尙此參伍錯綜以爲動則通變之至矣制器者尙此參伍錯綜以制器則制器亦通變之至矣易者卦爻也感有事而卜也易本无思无爲感於人之卜事而遂通使卜筮者尙此以爲從違則神之至矣極深窮極人心之至深精之實也惟極深故易能通天下之志研幾研求事務之至變變之實也惟研幾故易能成天下之務極深研幾聖人之神唯神故易之感通見其疾而自速不見其行而自至易有聖人之道四者之謂也所謂尚辭尚變尚象尚占四者之道亦深幾神之

也謂

子曰夫易何爲者也夫易開物成務冒天下之道如斯而已者也是故聖人以通天下之志以定天下之業以斷天下之疑是故著之德圓而神卦之德方以知六爻之義易以貢聖人以此洗心退藏於密吉凶與民同患神以知來知以藏往其孰能與於此哉古之聰明睿知神武而不殺者夫是以明於天之道而察於民之故是興神物以前民用聖人以

此齊戒以神明其德夫是故闔戶謂之坤闢  
戶謂之乾一闔一闢謂之變往來不窮謂之  
通見乃謂之象形乃謂之器制而用之謂之  
法利用出入民咸用之謂之神是故易有大  
極是生兩儀兩儀生四象四象生八卦八卦  
定吉凶吉凶生大業是故法象莫大乎天地  
變通莫大乎四時縣象著明莫大乎日月崇  
高莫大乎富貴備物致用立成器以爲天下  
利莫大乎聖人揆賾索隱鉤深致遠以定天

下之吉凶成天下之亹亹者莫大乎蓍龜是  
故天生神物聖人則之天地變化聖人效之  
天垂象見吉凶聖人象之河出圖洛出書聖  
人則之易有四象所以示也繫辭焉所以告  
也定之以吉凶所以斷也

開物者物有吉凶之理非易无以開示之  
故作易以通天下之志成務者事有趨避  
之法非易无以助成之故又以定天下之  
業冒覆冒也冒道者天下无外於易之物  
務其吉凶趨避即不可以一二容其僥倖  
故又以斷天下之疑圖神筮著時九六七  
入爻化无方也方知卦既成則有定象而  
理不易也易貢一卦六義即以方知之理

變易以貢人之占玩也洗心以三者之德  
治心其无私累如洗也藏密默識之功也  
同患一體之心也知來事未至而已知其  
理藏往理既明而卽裕其事既洗心藏密  
吉凶同患知來藏往如是之明知則爲聰  
明睿知既知之卽決以行之爲神武之勇  
如是自能消天下不善之萌於未形不待  
有罪而誅之爲不殺之仁此言聖人以易  
之德義自治也天之道易而已民之故易  
而已神物著卦爻也卽易也前民用導之  
使趨吉避凶也齊戒敬卜筮也神明其德  
神卽員神明卽方知敬以行之則知來藏  
往之德卽借著卦而神明於天下使各通  
其志定其業斷其疑也此言聖人以易之  
道治人也坤陰爲秋冬閉塞之氣闔戶卽  
坤理也乾陽爲春夏開發之氣闢戶卽乾  
理也一闔一闢往來不窮卽乾坤變爲八  
卦通爲六十四卦之理也陰陽闔闢有剛

柔之可見者乃謂之象爻通其象爲八卦  
六十四卦之形乃謂之器是卦者器而已  
因器制而用之有筮著衍卦立爻之法謂  
之法下民咸用以利其出入息之事志  
以此通業以此定疑以此斷而不至於凶  
謂之神此以明與神物前民用之實也大  
極者：中數五五二十五天数之極盈  
故爲大極也兩儀以二十五數衍陽二十  
五數衍陰故生兩儀也四象者揲數又有  
九六七八分老陰老陽少陰少陽是生四  
象也八卦者筮著所得六十四卦無非八  
卦是生八卦也定吉凶者即六十四卦每  
卦六爻可占斷者言之也大業者趨吉避  
凶坎生大業也此承上制用之法利用之神而言其實  
也易之法象无所不見而莫大乎天地天  
地之法象即乾坤之法象也易之變通无



所不見而莫大乎四時四時往來之變通  
即剛柔往來之變通也易之顯象者明无  
所不在而莫大乎日月日月之代著明  
即剛柔之相代著明也易之崇高无所不  
至而莫大乎富貴富貴非易則无以爲崇  
高之德業矣備物致用立易之成器爲天  
下利者莫大乎聖人而聖人非易亦无以  
爲聖人矣揆賁索隱鉤深致遠定吉凶成  
亶亶莫大乎著龜而非易則著龜之物又  
何能定吉凶成亶亶乎此所以開物成務  
冒天下之道而无外也是故聖人又非无  
因而遽與此易之神物也蓋天生神物而  
聖人則之也天亦非有垂著畫卦之事特  
天地變化聖人效之也天垂象見吉凶聖  
人象之也變化於何而效吉凶於何而象  
河出圖洛出書聖人則之也河圖五位相  
得而各有合乃天地變化之可見者於是  
聖人效之以爲大衍揲扚之法而與此著

之神物矣。洛書以中五準外五陽居中正  
陰處偏隅。乃天垂吉凶之象。可見者。於是  
聖人象之以爲吉凶悔吝之斷。而與此卦  
爻之神物矣。易有九六七八四象。所以示  
也以河圖變化示人也。著之九六七八。卽  
河圖大衍之數也。繫辭焉。所以告也。以洛  
書垂象者。告人也。卦爻之辭。卽洛書中正  
偏邪之義也。定吉凶。所以斷也。以洛書見  
吉凶者。爲人占斷也。要言著卦爻之神物  
本於河圖洛書之神物。追易成而又不過  
還以河圖洛書之理。開示天下也。河圖成  
變化而行鬼神。故此曰天地變化。洛書分  
剛柔而定中正。故此曰垂象見吉凶。先儒  
未詳誤以洛書屬洪範。則此章之義遂淆  
而難理。而以著龜之物爲神物  
亦俚矣。與圖神方知亦无照應。

子曰書不盡言言不盡意然則聖人之意其

不可見乎子曰聖人立象以盡意設卦以盡  
情僞繫辭焉以盡其言變而通之以盡利鼓  
之舞之以盡神乾坤其易之緼邪乾坤成列  
而易立乎其中矣乾坤毀則无以見易易不  
可見則乾坤或幾乎息矣是故形而上者謂  
之道形而下者謂之器化而裁之謂之變推  
而行之謂之通舉而措之天下之民謂之事  
業是故夫象聖人有以見天下之賾而擬諸  
其形容象其物宜是故謂之象聖人有以見

天下之動而觀其會通以行其典禮繫辭焉  
以斷其吉凶是故謂之爻極天下之賾者存  
乎卦鼓天下之動者存乎辭化而裁之存乎  
變推而行之存乎通神而明之存乎其人默  
而成之不言而信存乎德行

立象立卦盡陰陽之象也設卦設六十四  
卦也情偽人之情變有真有偽也繫辭卦  
爻之辭也盡言盡情偽之言也變通盡利  
大衍占從也象卦雖盡意盡情偽猶未利  
用至於大衍變而通之以動變應人事之  
占則盡乎人之所利矣鼓舞盡神及人也  
人皆占而從之則吉凶如響自是鼓舞天  
下之情於不倦則盡神矣立陰陽二象皆

乾坤之象也設六十四卦皆乾坤之卦也  
柔辭皆乾坤之辭也故乾坤為易之祖易  
者言變化也乾坤二象次第排列而變  
化之道即立乎其中心  
坤與無以見易言二象不立則變化之理  
何自而見不可見則無以盡意無以盡情  
偽無以盡言無以盡利盡神而乾坤之義  
理充滿於天地流行於人心者不幾滅息  
乎易有形上有形下形上者無形之象卦  
辭也理而已故謂道前所謂意言不盡者  
也形下者有形之象卦辭也形以載理故  
謂器前所謂立象設卦繫辭焉者也化者  
化其故裁者裁其新即剛柔相推之義前  
所謂變者此之謂也推其化裁者而行之  
剛柔相濟乃通達而不滯前所謂通者此  
之謂也舉而措之天下之民使皆知所變  
通謂之事業前所謂鼓之舞之盡神者也  
隨時動皆形上之道卦象爻辭皆形下之

頗存乎卦動存乎辭言道即存乎器中不可徒作卦象爻辭觀也道之化裁即存乎爻象之變不可徒作爻象之變觀也道之推行即存乎爻象之通不可徒作爻象之通觀也神而明之存乎人必聖人而後能神明於此理也默而成之不言而信存乎德行聖人默成此易不自言其可從而人自信從之則存乎聖人洗心藏密吉凶同患之德行也

繫辭下傳

共十二章

八卦成列象在其中矣因而重之爻在其中矣剛柔相推變在其中矣繫辭焉而命之動在其中矣吉凶悔吝生乎動者也剛柔者立

本者也變通者趨時者也吉凶者貞勝者也  
天地之道貞觀者也日月之道貞明者也天  
下之動貞夫一者也夫乾確然示人易矣夫  
坤隤然示人簡矣爻也者效此者也象也者  
象此者也爻象動乎內吉凶見乎外功業見  
乎變聖人之情見乎辭天地之大德曰生聖  
人之大寶曰位何以守位曰仁何以聚人曰  
財理財正辭禁民爲非曰義

易有六十四象皆非強設  
其中每一卦各排爲八更

入卦成列象在  
成行列不得不

有六十四象也。每卦六爻，亦非強設。因而重之，爻在其中，自八卦成列，則三畫因而重爲六畫，不得不爲六爻也。爻之有變者，何剛柔相推，變在其中。筮者，時剛極變柔，柔極變剛，數極必變，變而后通。故爻之內原其變之義也。其占必取動爻者，何繫辭焉。而命之動在其中。凡周公每爻而命之辭者，就人事之動，立言是辭之中，已有動之義也。動在其中，故吉凶悔吝生乎動者也。動有吉凶悔吝，所以作爲吉凶悔吝之辭也。剛柔相推，故剛柔者，立易之本者也。變在其中，時而變剛，時而變柔，相時而趨者也。吉凶者，貞勝者也。吉亦守正，凶亦守正，不論吉凶，總以貞爲勝者也。觀者言時行，物生之可見也。天地以行生爲正道，故貞在觀，日月以照臨爲正道，故貞在明。若天下之動，在正夫一而已。合天地日月之正道爲我之正道，故曰貞夫一，蓋明達物



理如日月而行生可觀如天地明行合一  
也言於吉凶貞勝之道見之極明而行之  
力也乾坤皆言易象也確剛健貌賁柔順  
貌乾象之剛健確然示人以易知也坤象  
之柔順隨然示人以簡能也爻所以效此  
易簡象所以像此易簡故爻象之動无非  
知行之理動內見外得正則吉失正則凶  
故曰貞夫一至於功業則不可拘一而論  
有正而不必吉吉而不必出於正者要皆  
此貞一之理所變通者也聖人作易无非  
此意觀其繫辭可以見其情矣何者天地  
之大德曰生六十四卦之辭雖變化不一  
无非明天地生物之德聖人之大寶曰位  
其辭必取五位爲君而重言之所以代天  
位也何以守位曰仁其言中正皆仁民愛  
物之道天地之生理也何以聚人曰財其  
餘又皆從五位以取吉利无非人君以貨  
財生養天下之意理財正辭禁民爲非曰

義其各卦爻辭不同者皆理財之義也理財不得不正其辭令以禁民爲非於是純乎生而有殺之道則亦事宜之當然猶天地之有春生不能无秋殺皆變通其方以生物也可見學易者在貞而貞亦非有他者體天地以生物而已然不得位雖有生物之德莫出而施此又人君之所當講也苟得位而不以仁守之必不足以安此位則仁者所謂貞勝者也至於財以聚人義以理財所謂功業見乎變而亦不失貞勝之道矣

古者包犧氏之王天下也仰則觀象於天俯則觀法於地觀鳥獸之文與地之宜近取諸身遠取諸物於是始作八卦以通神明之德

以類萬物之情作結繩而爲網罟以佃以漁  
蓋取諸離包犧氏沒神農氏作斲木爲耜揉  
木爲耒耒耨之利以教天下蓋取諸益日中  
爲市致天下之民聚天下之貨交易而退各  
得其所蓋取諸噬嗑神農氏沒黃帝堯舜氏  
作通其變使民不倦神而化之使民宜之易  
窮則變變則通通則久是以自天祐之吉无  
不利黃帝堯舜垂衣裳而天下治蓋取諸乾  
坤剡木爲舟剡木爲楫舟楫之利以濟不通

致遠以利天下蓋取諸渙服牛乘馬引重致遠以利天下蓋取諸隨重門擊柝以待暴客蓋取諸豫斷木爲杵掘地爲臼臼杵之利萬民以濟蓋取諸小過弦木爲弧剡木爲矢弧矢之利以威天下蓋取諸睽上古穴居而野處後世聖人易之以宮室上棟下宇以待風雨蓋取諸大壯古之葬者厚衣之以薪壅之中野不封不樹喪期無數後世聖人易之以棺槨蓋取諸大過上古結繩而治後世聖人易

之以書契百官以治萬民以察蓋取諸夬

天垂象就專直言地效法就翁闢言鳥獸  
天產文羽毛之文理也地宜地產百穀草  
木各有宜也迭取身一身之理也遠取物  
萬物之理也作入卦六十四卦无非入卦

也

通德將自己一段仰觀俯察之理從入卦  
寫出類情則萬物之情亦皆於此寫出矣  
卦既如此所以後世聖人凡有通德類情  
之事不能外八卦之理如下文云佃獵獸  
也漁取魚也離者麗也陰麗於陽有物麗  
於綱罟之義益上益下也下民莫益於未  
和之利而上入下動似之噬嗑明以動日  
中為市似之又合也斷也交易則合而斷  
有噬嗑之義通變不倦則壞定賦以通其  
變也神化宜民教人倫與禮讓以相宜也  
豈徒養則必窮窮則變變則通通則久而

无弊故治田設教乃爲自天祐之吉无不利而聖人所以但垂衣裳而天下治矣八卦六十四卦皆乾坤之第幾通久者也故取乾坤而衣裳之文亦取乾坤變化之義刻火脩以取直也濟不通渡舟也致遠行舟也渙木在水上舟有此義牛柔馬剛隨陽柔相隨也服牛乘馬有剛柔相隨之義豫憂而後樂防盜有此義小過小者過也日杵所以脫粟粟至小之物而必求其精有小者過之義睽垂也弧矢之威有合睽之義大壯壯也不壯不足以待風雨宮室有此義大過大者過也唯送死足以當大事棺槨有此義夬決也君子決小人也書契所以決百官萬民之姦弊有此義此等事皆聖人之德也萬物之情也不能外入

卦之理非拘拘取卦也孔子獨言十三卦舉其大以例餘耳玩此節伏羲已有六十四卦而其名則由後追呼之也大衍之法似亦未立故孔子止說如此也

是故易者象也象也者像也彖者材也爻也者效天下之動者也是故吉凶生而悔吝著

也是故蒙上文言包義作卦不過取象文王則公彖爻之辭亦就象取之耳象者像也不過像似而已言中有理也材如木之有材言未用也爻者效也效天下之動乃遠用矣凡筮著六爻不動則看彖辭彖者材也天地人之數未極卽今日之事未應雖尚未定其所用而此卦之取材已大段可見矣至於爻效天下之動是今日之事已

應於此吉凶已生而悔吝已著  
可即爻詞以斷今日之事矣

陽卦多陰陰卦多陽其故何也陽卦奇陰卦  
偶其德行何也陽一君而二民君子之道也  
陰二君而一民小人之道也

此明少陽少陰六卦之義震坎艮爲陽卦  
皆一陽二陰巽離兌爲陰卦皆一陰二陽  
陽卦皆五畫爲奇陰卦皆四畫爲偶奇故  
爲陽卦偶故爲陰卦也君陽也民陰也陽  
卦以一陽主二陰爲一君二民陽主陰從  
君子之道也陰卦以一陰主二陽爲二君  
一民陰主陽從  
小人之道也

易曰憧憧往來朋從爾思子曰天下何思何



慮天下同歸而殊塗一致而百慮天下何思  
何慮日往則月來月往則日來日月相推而  
明生焉寒往則暑來暑往則寒來寒暑相推  
而歲成焉往者屈也來者信也同伸屈信相感  
而利生焉尺蠖之屈以求信也龍蛇之蟄以  
存身也精義入神以致用也利用安身以崇  
德也過此以往未之或知也窮神知化德之  
盛也以上釋咸九四之義易曰困於石據於蒺藜入於  
其宮不見其妻凶子曰非所困而困焉名必

辱非所據而據焉身必危既辱且危死期將

至妻其可得見邪

釋田六三之義

易曰公用射隼於

高墉之上獲之无不利子曰隼者禽也弓矢

者器也射之者人也君子藏器於身待時而

動何不利之有動而不括是以出而有獲語

成器而動者也

釋解上六之義

子曰小人不耻不仁

不畏不義不見利不勸不威不懲小懲而大

戒此小人之福也易曰履校滅趾无咎此之

謂也

釋陸陸初九之義

善不積不足以成名惡不積

不足以滅身小人以小善爲无益而弗爲也  
以小惡爲无傷而弗去也故惡積而不可掩  
罪大而不可解易曰何校滅耳凶

釋陸疏上九之義

子曰危者安其位者也亡者保其存者也亂  
者有其治者也是故君子安而不忘危存而  
不忘亡治而不忘亂是以身安而國家可保  
也易曰其亡其亡繫於包桑

釋否九五之義

子曰德

薄而位尊知小而謀大力小而任重鮮不及  
矣易曰鼎折足覆公餗其形渥凶言不勝其

任也

譯鼎九四之義

子曰知幾其神乎君子上交不

諂下交不瀆其知幾乎幾者動之微吉之先

見者也君子見幾而作不俟終日易曰介於

石不終日貞吉介如不焉寧用終日斷可識

矣君子知微知彰知柔知剛萬夫之望

釋豫六二

義子曰顏氏之子其殆庶幾乎有不善未嘗

不知知之未嘗復行也易曰不遠復无祇悔

元吉

釋復初九之美

天地絪縕萬物化醇男女構精

萬物化生易曰三人行則損一人一人行則

得其友言致一也

釋損六三之義

子曰君子安其身

而後動易其心而後語定其交而後求君子

脩此三者故全也危以動則民不與也懼以

語則民不應也无交而求則民不與也莫之

與則傷之者至矣易曰莫益之或擊之立心

勿恒凶

釋益上九之義

易謂憧憧往來如此以致其思慮而朋類

自徙之此豈徒向天下馳思慮哉夫天下

有何可思何可慮乎天下事要而約之同

歸於一而特殊其塗一者定理也此致此

一則在乎百其慮百慮所以致一也此收

斂心志以窮理致知非馳思慮於天下也

日往則月來月往則日來日月相推而明  
生吾心能懂懂往來如日月則理自明也  
有日月然後有寒暑寒往則暑來暑往則  
寒來寒暑相推而歲成人之理明而事行  
亦思慮之往來如是也往者屈而退來  
者信而進屈信相感而利生人之知行往  
來如日月寒暑之屈伸則用自利也尺蠖  
屈信蟲也君子之思慮如尺蠖之屈本以  
求信也龍蛇能信之物而以蟄為安者也  
君子之求信利用在乎思又如龍蛇之蟄  
欲以存安其身也精義入神研求義理之  
精敬君子思慮如此欲以致用精義致用  
其用必利利用則身安此君子所以思慮  
以崇德也若過此以往有不思不慮之日  
非君子之所敢知也要之窮理至神  
化亦不過精義利用之德熟而自盛也豈  
云不思不慮者乎曰言名辱身危不得見  
其妻者以明身之不安如是也又引藏器

待用見君子精義於心則動而不阻是以  
出而獲利以明利用者如是也小人不耻  
不仁不畏不義不見利不勸不威不懲此  
昧於義理而徒見目前之便弗思而已小  
懲大戒思則得之也以小善爲无益小惡  
爲无傷弗思之甚也至於惡積不掩罪大  
不解不利不安之甚也危者反安其位亡  
者反保其存亂者反宥其治此思慮所致  
也小人不思故不知耳君子思而極其精  
常懷其亡其亡之心故身安而國家可保  
也安忘危存忘亡治忘亂是謂德薄而知  
力必皆小矣以此居尊謀任大事必不勝  
任而有覆餗之凶凡此皆理之必然知此  
幾卽神之至也故君子上交不諂下交不  
賣人必謂其不利豈知其爲知幾之神人  
卽有知者亦不能斷君子見幾不俟終日  
立地守正介如石焉如此卽微是彰卽柔  
是剛而爲萬夫所仰望矣顏氏子其庶幾

於此道乎有不善則知知之斷不復行也  
卽知幾之神至微實彰至柔實剛爲人仰  
望者也此蓋凡事有一定不二之理能致  
此一而不雜則得矣天地二而綱繆致一  
男女二而構精致一凡事理雜陳宜爲彼  
此兩端兩端交致而至一者出矣此致一  
之道君子以之安身則動不危以之治心  
則言有信以之定交則求乃得利用安身  
莫過於此舍此則傷之者至而无  
所逃矣是豈不思慮而合者哉

子曰乾坤其易之門邪乾陽物也坤陰物也  
陰陽合德而剛柔有體以體天地之撰以通  
神明之德其稱名也雜而不越於稽其類其  
衰世之意邪夫易彰往而察來而微顯闡幽



開而當名辨物正言斷辭則備矣其稱名也  
小其取類也大其旨遠其辭文其言曲而中  
其事肆而隱因貳以濟民行以明失得之報

易之門即下文合德言陰必依陽陽必附  
陰其用二而一也而陽體剛陰體柔實又  
各自有體撰事也由是聖人乃以剛體乎  
天以柔體乎地以體天地交合變化之事  
而成六十四卦則聖人神明之德同乎天  
地者得以通顯矣此易之貴開自乾坤豈  
非易之門邪而其稱名又雜而不越雜者  
六十四卦各象无所不有也不越不外乎  
乾坤之理也於稽其六十四卦之事類其  
衰世之意邪自乾坤至未濟情偽畢陳非  
上古淳質之時思慮所及故度其為衰世  
之意蓋孔子以此知六十四象之名為文

王作也自文王處衰世而作易後世之情  
理已盡於此故夫易彰已往而察將來情  
理无能遁也又微顯闡幽六十四卦名象  
本淺顯而體於天地通於神明則微之矣  
天地之撰神明之德本淡幽而象以六十  
四名則闡之矣開而而字作物字開物以  
示天下必當其名如始生之物則名以屯  
蒙飲食爭奪之物則名以需訟禮樂征伐  
之物則名以師履是也辨物辨爻之貴賤  
剛柔比應也正言明言其吉凶悔吝也斷  
辭卜筮而取吉凶之辭以斷其事也夫易  
既彰往察來又微顯闡幽開而當名辨物  
正言至於斷辭則備矣下言斷辭之實稱  
名小取類大卦名所指一物一義而類推  
之則无窮盡左傳占法多用此例以合爻  
辭爲斷旨遠則占遊辭外辭文則意蘊辭  
中曲而中辭雖似與所占之事无涉而必  
有委曲適中之處肆而隱肆陳也辭雖似

與所占之事明悉陳列而或有隱微難曉之端貳疑也濟民行因疑以斷之所以助其行也以明失得之報行失則凶行得則吉其報不爽凡此若非衰世烏能體撰通德精微以至於此乎

易之興也其於中古乎作易者其有憂患乎是故履德之基也謙德之柄也復德之本也恒德之固也損德之脩也益德之裕也困德之辨也井德之地也巽德之制也履和而至謙尊而光復小而辨於物恒雜而不厭損先難而後易益長裕而不設困窮而通井居其

所而遷異稱而隱履以和行謙以制禮復以  
自知恒以一德損以遠害益以興利困以寡  
怨井以辨義巽以行權

中古商周之際憂患作易困心橫慮而後  
通也本言文王而作疑辭者易之來遠作  
者已失考故以意斷之也獨舉九卦言易  
中有切於成已之德可以經常處變而不  
忒者在此九卦故非歷盡憂患不能作也  
禮所以立德之基謙以下人德之柄復剛  
反也德之本恒久也德之固損損其有餘  
德之脩益益其不足德之格格優餘也因  
則窮理致思德之辨辨明辨也井資人之  
取用德之地地人所藉也巽善入而不見  
德之制制化裁也下履言其實和而不以  
禮節之其和不至履則和而至故爲德之

基尊而不謙下於人則不光謙則尊而光  
故爲德之柄復一剛初反爲小小少也但  
能復不患其小剛雖小而迥然辨別於衆  
物卽百行之原故爲德之本不恒生於厭  
厭生於感物恒之爲道雖雜物而不厭去  
之故爲德之固損已之所有難事也先其  
所難其後反覺可樂而易矣故爲德之脩  
有餘者往往設陳於外此德之所以鮮厚  
積也益則長裕而不設故爲德之裕困窮  
之極則思慮日通通則得失必辨故爲德  
之辨居其所而不遷則无用遷而不居其  
所則有窮井居所不動也而繼人之求則  
能遷德之藉此如人之藉地故爲德之地  
稱度物宜者不在顯而在微異潛入物理  
而稱度之最有一主宰故爲德之制下又排  
論九德之功效聖人有禮以節之然後能  
相其行能謙然後能制三千三百之禮木  
心束復然後能有自知之明恒久不厭然

後能有統一之德能損所有然後能遠害  
能益其不足然後能興利能困然後能不  
尤怨能井然然後能存能發辨於義而不  
專於利能巽然後能行權而不傷於經

易之爲書也不可遠其爲道也屢遷變動不  
居周流六虛上下无常剛柔相易不可爲典  
要唯變所適其出入以度外內使知懼又明  
於憂患與故无有師保如臨父母初率其辭  
而揆其方既有典常苟非其人道不虛行

不可遠言常宜觀玩也而其爲道屢遷  
變不滯也何以見之變動不居周流於六  
爻之虛位六爻何爲虛位上下雖有定位  
而无常居之剛柔或剛或柔時相變易於

六位之中也。典常法也。要約束也。學易者不可爲有一定之常道。可以約束而拘執之。唯變化所在。卽適從焉。可也。出而外上卦也。入而內下卦也。其易之一出入。皆有法度。卽皆人處外內之道。使人玩易而知懼守其度而悉失也。不但守法度而已。不守此度。必有要患。此中之故。漢矣。又可於易而明之也。是以易雖无師保之嚴厲。常如父母臨之。親而亦不敢犯也。人初學易之始。當先率循其辭。而后揆度其上下剛柔之法度。旣而必於无典要者。又見其有典常可守矣。然有非其人。道不虛行。神而明之。存乎其人也。易辭多口聲律。如此章遠還二字爲一律。居虛易適四字爲一律。度履故母四字爲一律。方常行三字爲一律。

易之爲書也。原始要終。以爲質也。六爻相雜。

唯其時物也其初難知其上易知本末也初  
辭擬之卒成之終若夫雜物撰德辨是與非  
則非其中爻不備噫亦要存亡吉凶則居可  
知矣知者觀其彖辭則思過半矣二與四同  
功而異位其善不同二多譽四多懼近也柔  
之爲道不利遠者其要无咎其用柔中也三  
與五同功而異位三多凶五多功貴賤之等  
也其柔危其剛勝邪

自初爻爲原始至上爻爲要終此爲易之  
質幹時卦也卦爲何卦卽時爲何時物爻



也時爲何時卽物爲何時之物也此爲易之時變既盡始終以觀其類又察六爻相雜以觀其時變也下文則言質與時之實初爻爲本則將來者未定其成就故難知上爻爲末則事已有其成就故易知所以易於初爻之辭特爲擬之以預度其應如此耳而於上爻之辭則皆其卒事而成之終也中爻中四爻也雜物言貴賤之不同也揲德言剛柔中正之不同也辨是非言貴賤剛柔與卦時有宜有不宜也如此故非中爻不備噫歎也學者誠自初上并中四爻之物德是非而要約其存亡吉凶皆居於此而可知矣文王之彖辭卽要存亡吉凶者故知者觀之則大半可思也二與五應四與五此皆天下之賢同有功於道德而特異貴賤之位耳然其善卒不同二之辭多譽四之辭多懼近也此應皆於君近者也二近而應故多譽四近而此故多

懼也若柔之爲道不利遠者四九爲切近以柔順君末有不和利二應爲猶遠以道自持貴剛不貴柔也而其要亦无咎者其用柔中雖柔不失中道也此言二剛柔皆可惟四貴柔也三五同功者三居下之上五爲卦之君皆以有爲爲事者也其位者三處過中之位五居中正之位也三之辭多凶五之辭多功何也貴賤之等殊也過中而居下故多凶中正而爲君故多功三五皆有事之位皆貴剛而不貴柔柔卽不凶而亦危剛卽不吉而亦勝於柔邪字叶聲非義

易之爲書也廣大悉備有天道焉有人道焉有地道焉兼三才而兩之故六六者非他也三才之道也道有變動故曰爻爻有等故曰

物物相雜故曰文文不當故吉凶生焉

三才何必兩之天下道理未有不兩端者  
言天必有一陰一陽言地必有一柔一剛  
言人必有一仁一義缺一則天不成天道  
地不成地道人不成人道矣故天有日月  
有寒暑皆陰陽也地有山澤有燥溼皆剛  
柔也人有喜怒有好惡皆仁義也三才各  
有兩端兼三才而兩之成六數故易必六  
畫非他也三才之道也道有變故而發動  
故曰爻爻有貴賤之等故曰物物有剛柔  
相雜則可觀故曰文文不盡當則有得有  
失而吉凶生焉皆道之變易而成者也先  
儒謂上二畫爲天中二畫爲人下二畫爲  
地未有考據義亦未瑩要以說卦訓之陰  
陽者以奇偶之理言理所以爲天道剛柔  
者以奇偶之形言形所以爲地道仁義者  
以奇偶之用言用所以爲人道似只宜如

此看不然俱費解乾卦九三九四皆曰上不在天又自有取也

易之興也其當殷之末世周之盛德邪當文王與紂之事邪是故其辭危危者使平易者使傾其道甚大百物不廢懼以終始其要无咎此之謂易之道也

文王處紂之事傾險可畏故其所爲易辭多危懼危使平易使傾言其辭不徒危而已又每於傾危處說向平易於平易處說向傾危此生於憂患死於安樂之道故曰其道甚大也百物不廢者言事事不外此理而已懼以終始者言終始不過存一懼心而已其要无咎者言其要約直求无過而已存懼心以寡過易之道如斯而已

夫乾天下之至健也德行恒簡以知險夫坤  
天下之至順也德行恒簡以知阻能說諸心  
能研諸慮定天下之吉凶成天下之亹亹者  
是故變化云爲吉事有祥象事知器占事知  
來天地設位聖人成能人謀鬼謀百姓與能  
八卦以象告爻彖以情言剛柔雜居而吉凶  
可見矣變動以利言吉凶以情遷是故愛惡  
相攻而吉凶生遠近相取而悔吝生情僞相  
感而利害生凡易之情近而不相得則凶或

害之悔且吝將叛者其辭漸中心疑者其辭  
枝吉人之辭寡躁人之辭多誣善之人其辭  
游失其守者其辭屈

乾天下之至健人得健之德以爲行故恒  
易易則所遭者險而良知萌焉故知險坤  
天下之至順人得順之德以爲行故恒簡  
簡則唯知險之從而良能生焉故知阻知  
之所知而能從之則能說諸心能之既從  
而又知所未知則能研諸慮於是定天下  
之吉凶而吉凶无不知成天下之勉勉而  
趨避无不能此乾坤爲良知良能有如此  
者是故其知能之變化則爲云爲云言也  
爲行也既知吉凶成蹙蹙則一言一行皆  
爲吉事矣作吉事自有祥應於是象事知  
器而卦象之義自可曉矣器卦畫也卦之

畫自其吉凶之象也。卽事可以知卦卽卦亦可以占事。於是占事知來而易之卜筮由此興矣。此天地設乾健坤順之位。聖人成悅心研慮之能也。成能有二項。故曰人謀鬼謀。變化云爲。吉事有祥。此人謀不待易而知者也。象事知祥。占事知來。此鬼謀待易而知者也。自聖人成此能。百姓皆可與能其事也。八卦六十四卦皆八卦也。以象告卦以吉凶之象告於人也。爻彖辭也以情言辭以吉凶之情言於人也。象告情言不外剛柔雜居而吉凶卽可見矣。變動以利言利猶用也。變爲某卦動爲某爻卽取其辭以爲占者之所利用也。吉凶以情遷遷卽變也。凡變動之吉凶皆不得不然之情所變遷也。情者何。愛惡是也。是故愛惡相攻而吉凶生。相加无已曰攻。爻象之情有以愛相加則吉以惡相加則凶也。又有悔吝何也。爻象之情有日前吉而將來

可悔者是取諸遠故曰悔也有將來不凶而日前數吝者是取諸近故曰吝也又有利害何也利者吉之成害者凶之成其吉凶有情實然者有似吉實凶似凶實吉而偽者情相感吉則實爲利凶則實爲害傷相感凶實爲利吉實爲害也要而言之凡易之情近而不相得則凶或害之悔且吝近比爻應爻及他爻之相及者是也不比不應不相及雖不相得何由而凶害乎若近而相得其吉无咎而悔亡亦可知矣自入卦以下至此聖人成知羣知來之能百姓能以占而知吉凶此鬼謀也將叛凡背實棄信皆是言背其實故慚中心有疑則言无斷定故如木之枝開兩而去吉人常自反故辭寡躁人不自反故辭多善不易誣故其辭示而不留以希中失其職守者恐見斥故其辭屈下而不伸此聖人成變化云爲之能百姓能不以占而知吉凶此



人謀也人之情變化不一將見諸爲必見  
諸云人與人无異知能也可以自知者卽  
可謀而  
知人也

## 說卦傳

共十一章亦孔子繫易之辭  
但皆就卦說之故名說卦傳

昔者聖人之作易也幽贊於神明而生蓍參  
天兩地而倚數觀變於陰陽而立卦發揮於  
剛柔而生爻和順於道德而理於義窮理盡  
性以至於命

神不可測明不可欺天地間有此神則之  
理本極幽深而作易以贊助之使顯故曰

幽贊神明生著生筮著之法也卽大衍揲  
劫之說與下生爻一例正作易之實旣生  
著則參天兩地而倚數參者三之用雙數  
旣立而以一差入之也起於三不終於三  
二而參之以一曰三四而參之以一曰五  
六而參之以一曰七八而參之以一曰九  
皆參而又參生生之數而一主之也兩者  
二之用單數旣立而以一對偶之也起於  
二不終於二一而兩之以一曰二二而兩  
之以二曰四三而兩之以三曰六四而兩  
之以四曰八五而兩之以五曰十皆兩而  
又兩生生之數而二主之也參天者凡參  
皆天數今以一三五七九之數各直而觀  
之其中實而不可以爲虛各曲而圓之其  
形員而不可以爲方實莫實於天之氣員  
莫員於天之體卽乾畫之奇象也兩地者  
凡兩皆地數今以二四六八十之數各直  
而觀之其中虛而不可以爲實各曲而圓

之其形方而不可以爲員虛莫虛於地之  
體方莫方於地之氣即坤畫之偶象也倚  
數者筮書時揲策九成老陽之數則揲策  
必三三爲三奇亦老陽之數也揲策七成  
少陽之數則揲策必五五爲一奇二偶亦  
少陽之數也此左右相倚而成參天之數  
也揲策六成老陰之數則揲策必六六爲  
三偶亦老陰之數也揲策八成少陰之數  
則揲策必四四爲一偶二奇亦少陰之數  
也此左右相倚而成兩地之數也右九六  
七八左必三五四六左三五四六右必九  
六七八如兩物相倚一失則並廢也既倚  
數則觀變於陰陽而立卦觀變觀十八變  
也立卦者先畫初畫累次而上也觀所倚  
之數變爲陽則立一奇畫變爲陰則立一  
偶畫六畫立而卦成矣以上皆河圖大衍  
之法也既立卦則發揮於剛柔而生爻發  
揮者繫辭而命之以發明剛柔之義也生

爻者方立卦時謂之畫不謂之爻爻者效  
天下之動也每畫繫之辭就天下人事之  
動作以發揮剛柔之義乃謂之爻也既生  
爻則和順於道德而理於義窮理盡性以  
至於命道者天下之大路在於陰陽之調  
劑德者一己之德行在於剛柔之中和易  
之爻辭无非和順於道德而於事事物物  
之宜无不得其條理故學者即於所得之  
理无不至即以至命總一剛柔中正而已天以  
不盡即以至命總一剛柔中正而已天以  
此命人為性人以此施於物曰理得於物  
則盡於已盡於已則合乎天以上皆洛  
書吉凶之義此說卦始終精粗之義也

昔者聖人之作易也將以順性命之理是以  
立天之道曰陰與陽立地之道曰柔與剛立

人之道曰仁與義兼三才而兩之故易六畫而成卦分陰分陽迭用柔剛故易六位而成章

性之理仁義也命之理陰陽剛柔也同一理也在天爲氣故曰陰陽在地爲質故曰剛柔在人爲德故曰仁義仁卽陽剛義卽陰柔天地以陰陽剛柔之理命於人爲仁義也聖人作易將以順此性命之理也性命有陰陽有剛柔有仁義是兼三才而兩之也故易六畫而成卦亦兼三才而兩之是卦必六畫爲順性命之理也人得天之陰陽以爲仁義之理理本一而分爲二義分自陰仁分自陽人得地之剛柔以爲仁義之質質本二而通於一柔極變剛剛極變柔迭相爲用於是无窮之仁義出焉

是性命之理以六者而成无窮之文章也故易以六虛位而成六十四卦之文章亦分陰分陽迭用柔剛也此六十四卦之六畫皆為順性命之理也故曰聖人之作易將以順性命之理此之謂耳此說卦六畫之義也

天地定位山澤通氣雷風相薄水火不相射

八卦相錯數往者順知來者逆是故易逆數

也前數字上聲

天高地下陰陽定位也西北多山東南多澤陰陽相通本一氣也東北春也雷動於春則風氣薄西南秋也風生於秋則雷氣薄陰陽本相薄也水射火則滅火射水則涸此水火各處盛位則然若水處西方火居東方皆所生之地而不居其盛則不相

射而相濟爲用矣此皆陰陽匹偶之妙理也而入卦相錯則一一如之何爲相錯入卦之序本乾一兌二離三震四巽五坎六艮七坤八橫排一條伏羲將來圖中截斷以四續入以一續五排爲圓形遂乃天地定位山澤通氣雷風相薄水火不相射此乃八卦相錯也相錯者既匹配天成而其理氣亦遂居然天地之運行矣自震至乾爲行自巽至坤爲來數往者順天地春夏之氣順而生物者也知來者逆天地秋冬之氣逆而成物者也順進長故爲往逆退歛故爲來有往必有來故數往即可知來卽如有春夏而不秋冬直任生去不回來者則必无是理是故易逆數也逆則无窮竭矣此說伏羲八卦圖圖之義而六十四卦圖圖可例知也

雷以動之風以散之雨以潤之日以烜之艮

以止之兌以說之乾以君之坤以藏之

動之則生氣動盪散之則生氣發散潤之則生氣滋潤恒之則生氣舒暢止之則生氣凝聚說之則生氣成遂君之以主其生氣之用藏之以厚其生氣之蓄此說卦象之義也

帝出乎震齊乎巽相見乎離致役乎坤說言乎兌戰乎乾勞乎坎成言乎艮萬物出乎震震東方也齊乎巽巽東南也齊也者言萬物之絜齊也離也者明也萬物皆相見南方之卦也聖人南面而聽天下嚮明而治蓋取諸



此也坤也者地也萬物皆致養焉故曰致役  
乎坤兌正秋也萬物之所說也故曰說言乎  
兌戰乎乾乾西北之卦也言陰陽相薄也坎  
者水也正北方之卦也勞卦也萬物之所歸  
也故曰勞乎坎艮東北之卦也萬物之所成  
終而所成始也故曰成言乎艮

出而齊齊而相見見而致役役而后說說  
而后戰戰而后勞勞而后成成而復始自  
然之序也萬物出乎震以下皆訓解文也  
以四正卦合四時四隅卦合四季其理自  
見帝言萬物之宰即萬物之資始者故先  
言帝而后直訓以萬物也東方者春也東

南春夏之交也。潔齊萬物，新潔齊整也。南方之卦，夏也。至於夏，萬物明盛，一一皆可見。故曰：相見，嚮明出治，取見萬物之義。坤者，地也。而其方則西南，其時則夏秋之交也。致盡力也。役，從事也。此時萬物皆盡力從事於其養，故曰：致役，兌西方正秋也。孳，歛成熟，故可說也。乾戰也。居西北，秋冬之交也。陰盛而薄陽，陽不受薄而爭戰也。北方正冬也。勞，息其勞也。歸，猶休養也。冬時勞其勤苦而休息之，歸藏於最深之地。故曰：勞卦也。東北，冬春之交也。冬之終，即春之始也。艮止也。天地之生機不止者，即不能生。故艮爲成終而成始也。此說文王八卦員圖之義也。

神也者，妙萬物而爲言者也。動萬物者，莫疾乎雷。撓萬物者，莫疾乎風。燥萬物者，莫熯乎

火說萬物者莫說乎澤潤萬物者莫潤乎水  
終萬物始萬物者莫盛乎艮故水火相逮雷  
風不相悖山澤通氣然後能變化既成萬物  
也

陰陽不測之謂神神豈有他哉即就卦乎  
萬物而言之也動物撓物燥物說物潤物  
終始物即其妙者也言卦在六子以乾坤  
老而退位此說文王卦象之義如前文者  
也夫妙之者成之也然其成萬物既如文  
王所次使其方位非如伏羲所定亦不能  
變化盡成萬物也故伏羲卦水火相逮雷  
風不相悖山澤通氣陰往陽來順生逆成  
然後變化如文王之序盡成萬物也義卦  
立陰陽之體如男女之始合文卦妙萬物

之用如夫婦之生育本一理而有體用不  
知者徒見其二故此又合義文二卦而說  
之也

乾健也坤順也震動也巽入也坎陷也離麗  
也艮止也兌說也

此說八卦之德也乾純陽故健坤純陰故  
順震健居順下故動巽順居健下故入坎  
健陷順中故陷離順附健中故麗艮健止  
順上故止兌順處健上故說此八字之訓  
最精學者於此須无疑義乃可有省於六  
十四卦之彖象如離卦舍麗而專訓以明  
則不得矣

乾爲馬坤爲牛震爲龍巽爲雞坎爲豕離爲

雉艮爲狗兌爲羊

此說八卦之象取諸物之類也馬健牛順龍動雞入於內豕陷於險雉五色相麗狗止羊說

乾爲首坤爲腹震爲足巽爲股坎爲耳離爲目艮爲手兌爲口

此說八卦之象取諸身之類也首純陽之會腹載物足動股隨耳聲陷於內目神麗於肉執物莫如手悅物莫如口

乾天也故稱乎父坤地也故稱乎母震一索而得男故謂之長男巽一索而得女故謂之

長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女

此說文王八卦次序之義也以乾老陽之卦領三少陽之卦坤老陰之卦領三少陰之卦依然父母三索而得男女之義也索者皆父母之求子女也震巽等字皆一讀如云震卦是一索便得男故謂之長男云云

乾爲天爲圓爲君爲父爲玉爲金爲寒爲冰爲大赤爲良馬爲老馬爲瘠馬爲駁馬爲木

果

荀九家此下有爲坤

爲地爲母爲布爲釜爲龍爲直爲衣爲言

大輿為文為象為黑荀九家有為牝為迷為

震為雷為龍為玄黃為專音為大塗為長

子為決躁為蒼筤竹為萑葦其於馬也為善

鳴為鼻王樹切足為作足為的顙其於稼也為

反生其究為健為蕃鮮荀九家有為玉為蠲為鼓巽為木

為風為長女為繩直為工為白為長為高為

進退為不果為臭其於人也為寡髮為廣顙

為多白眼為近利市三倍其究為躁卦荀九家有

坎為水為溝瀆為隱伏為矯輳為弓輪

其於人也爲加憂爲心病爲耳痛爲血卦爲

赤其於馬也爲美脊爲亟心爲下首爲薄蹄

爲曳其於輿也爲多眚爲通爲月爲盜其於

木爲堅多心

荀九家有爲爲宮爲律爲可爲棟爲叢棘爲孤爲蒺藜爲桎梏

離爲火爲日爲電爲中女爲甲冑爲戈兵其

於人也爲大腹爲鼫爲鼯爲蟹爲羸爲蚌爲

龜其於木也爲科上槁

荀九家有爲牝牛

艮爲山爲

徑路爲小石爲門闕爲果蓏爲闔寺爲指爲

狗爲鼠爲黔喙之屬其於木也爲堅多節

荀九



周易疏畧

下經二

卷八

七

家為鼻為虎為狐兌為澤為少女為巫為口舌為毀

折為附決其於地也為剛鹵為妾為羊荀九

為常為輔夾

此推廣義文八卦之象以說之也如乾為寒為冰文卦之象為大赤則義卦之象各有取也此益為占斷之用有過於詳瑣又若有所遺者皆就偶然指示可以知其不盡此矣駁駁如馬鋸牙食虎木果高圓色紅也剪敷施也大塗開通之路蒼漢青色箕竹筠色美也鼻足足轂白陽在下也作足足起起也的類額上旋毛也反生復生及向下蕃盛鮮新也崎曲而使直棘直而使曲坎為水曲直皆可使為也弓與輪皆以水在人身為血也乾卦者燥之卦也

又離卦本乾卦果木實處草實黔喙鷹隼  
之屬附決者柔附於剛而能決物也土堅  
硬而潤溼爲  
剛鹵之地

### 序卦傳

有天地然後萬物生焉盈天地之間者唯萬  
物故受之以屯屯者盈也屯者物之始生也  
物生必蒙故受之以蒙蒙者蒙也物之穉也  
物穉不可不養也故受之以需需者飲食之  
道也飲食必有訟故受之以訟訟必有衆起  
故受之以師師者衆也衆必有所比故受之

以比比者比也比必有所畜故受之以小畜  
物畜然後有禮故受之以履履而泰然後安  
故受之以泰泰者通也物不可以終通故受  
之以否物不可以終否故受之以同人與人  
同者物必歸焉故受之以大有有大者不可  
以盈故受之以謙有大而能謙必豫故受之  
以豫豫必有隨故受之以隨以喜隨人者必  
有事故受之以蠱蠱者事也有事而後可大  
故受之以臨臨者大也物大然後可觀故受

之以觀可觀而後有所合故受之以噬嗑嗑  
者合也物不可以苟合而已故受之以賁賁  
者飾也致飾然後亨則盡矣故受之以剝剝  
者剝也物不可以終盡剝窮上反下故受之  
以復復則不妄矣故受之以无妄有无妄然  
後可畜故受之以大畜物畜然後可養故受  
之以頤頤者養也不養則不可動故受之以  
大過物不可以終過故受之以坎坎者陷也  
陷必有所麗故受之以離離者麗也

有天地然後有萬物有萬物然後有男女有  
男女然後有夫婦有夫婦然後有父子有父  
子然後有君臣有君臣然後有上下有上下  
然後禮義有所錯夫婦之道不可以不久也  
故受之以恒恒者久也物不可以久居其所  
故受之以遯遯者退也物不可以終遯故受  
之以大壯物不可以終壯故受之以晉晉者  
進也進必有所傷故受之以明夷夷者傷也  
傷於外者必反於家故受之以家人家道窮

必乖故受之以睽睽者乖也乖必有難故受之以蹇蹇者難也物不可以終難故受之以解解者緩也緩必有所失故受之以損損而不已必益故受之以益益而不已必決故受之以夬夬者決也決必有所遇故受之以姤姤者遇也物相遇而後聚故受之以萃萃者聚也聚而上者謂之升故受之以升升而不已必困故受之以困困乎上者必反下故受之以井井道不可不革故受之以革革物者

用易通義卷二  
莫若鼎故受之以鼎主器者莫若長子故受之以震震者動也物不可以終動止之故受之以艮艮者止也物不可以終止故受之以漸漸者進也進必有所歸故受之以歸妹得其所歸者必大故受之以豐豐者大也窮大者必失其居故受之以旅旅而无所容故受之以巽巽者入也入而後說之故受之以兌兌者說也說而後散之故受之以渙渙者離也物不可以終離故受之以節節而信之故

受之以中孚有其信者必行之故受之以小  
過有過物者必濟故受之以既濟物不可  
窮也故受之以未濟終焉

序卦二篇言全易之大體而一卦一爻之  
義已具此文王之序而夫子傳之也若舍  
傳以解卦卦多不可解之義舍傳以訓爻  
爻亦有難訓之辭如需者飲食之道物畜  
然後有禮坎必有所麗之類舍此另立一  
說需不爲養履不爲禮離不爲麗所以終  
多疑義疑辭也然則孔子十翼豈有  
一言非必然之論而可不遵者哉

### 雜卦傳

序卦者以序而言之雜卦者不可以序  
而言之也拘於序以言之則尚有未盡



月易正  
之義故又雜而傳之以盡卦未盡之義  
皆卦之正義也若謂旁閒意思則觀象  
玩辭之下必有不能悉通者矣要之孔  
子十翼不可闕一皆有見其必然而明  
以示人者非僅  
孔子之易而已

乾剛坤柔比樂師憂臨觀之義或與或求屯  
見而不失其居蒙雜而著震起也艮止也損  
益盛衰之始也大畜時也无妄災也萃聚而  
升不來也謙輕而豫怠也噬嗑食也賁无色  
也兌見而巽伏也隨无故也蠱則飭也剝爛  
也復反也晉晝也明夷誅也井通而困相遇

也咸速也恒久也渙離也節止也解緩也蹇  
難也睽外也家人內也否泰反其類也大壯  
則止遯則退也大有衆也同人親也革去故  
也鼎取新也小過過也中孚信也豐多故親  
寡旅也離上而坎下也小畜寡也履不處也  
需不進也訟不親也大過顛也姤遇也柔遇  
剛也漸女歸待男行也頤養正也旣濟定也  
歸妹女之終也未濟男之窮也夬決也剛決  
柔也君子道長小人道憂也

反對義不重要皆以一二字定立卦之大義今占玩者得其要也乾大義直是剛坤大義直是柔此六爻未必皆樂而大義則樂卦也臨我臨彼則有以與彼觀彼觀我則有以求我也見發見不失居仍未發出也雜而著著已發出而特雜亂未潔齊也損衰之始益盛之始大畜時言得時也无妄之義恐致災也升之義去不來也謙易失之自輕豫易失之自怠皆戒辭也噬嗑戒飲食也賁義貴无色也隨无故不執舊所見也井上水故通困相遇故困也咸速感可暫而不可久也大壯則貴止也豐盛大則多親故也親寡旅旅之時親厚少也小畜寡言寡特也履不處勇行也大過有顛之戒也小過過而未顛大過則顛矣歸妹自是女之終未濟自是男之窮男字不用過解濟與不濟

要皆男子事也

周易下經二終